

書

欽定天祿琳琅書目黃太史精華錄有練江陳昂之
印天都陳氏承雅堂圖籍印陳氏藏書子孫
永寶三印俱朱文東阜先生後人一印白文
俱與此冊同

著書與藏書者同姓名

刺白雲集序



古今人豈盡不相及至於詩
則及古之士造薄今人抑
知今自有今之詩故明詩如
陳爾瞻者鮮矣况又閩之

欽定天祿琳琅書目黃太史精華錄有練江陳昂之
印天都陳氏承雅堂圖籍印陳氏藏書子孫
永寶三印俱朱文東阜先生後人一印白文
俱與此冊同

著書與藏書者同姓名

刻白雪集序



古今人豈盡不相及至於詩
則及古之士造薄今人抑
知今自有今之詩故明詩如
陳爾瞻者鮮矣况又閩之

詩乎然謂爾曠為閩人可乎
彼其足跡萬里視棄在鄉
如敝蹤棄其秀木如草
茅薤藟皆宜瘴峨眉三峡
之間以有此詩也閩安得有

之哉然謂爾曠苟老死於閩
遂為詩則又不然也人之負
才情者胸中必有一茹物不
任之境盡吐之而後已若延
力于山石則焉可証也多

友宋比玉與尔瞻同色里
次僑居白下裴徊弔古恨不
得爾瞻与之游愛其詩有
酒負今生債詩苗異代緣
之句此白雪集所為刺也

比玉又為余言當爾瞻時
爾又習陳山人言在比集
句名鄉人寶之蓋知有言
不知有昂久矣頃吾從武
林來於焚篋殘牘中乃錢
塘沈

行所集梅雪詩七言律凡
五百餘句較之言不啻杞郎
之於藻者今當併刻之以
傳嗟乎以古之不薄今人
而愛古人也類如此

戊午夏日海虞錢謙益
題於函雅堂



梁谿茹芝書

重刻白雲集題詞

是集刻於燕都海內談詩者始知余邑有白雲先生而余邑之人亦始知穀城山下有陳昂也所恨印布不廣慕先生者至欲假一觀而無從余每與林茂之謀梓白下以存先生流寓茲都之意甲寅攜一冊歸爲吾鄉林祭酒持去時祭酒方修郡乘許爲補入隱逸傳中余復走穀城山下求先生盤根之族無有也但從里叟知先生早歲曾爲秀才避亂遠遊遂棄去初字爾瞻後又字雲仲云乙卯

余復返白下過浦口購求所爲排律一卷及他體十六卷無有也但得破城諸詩及翫月作先生會刻爲小帙如吳運嘉所刻無題之類好事家尚有存者與原本異同十數字乃知先生用意深苦非人所知也後又遇胡叟于洪武岡云少時與先生游容貌枯奇衣冠古拙好飲酒喜怒任真人忽之者呼爲陳大頭亦應之余偶出白雲集示胡胡駭曰陳大頭亦能詩乎余因感歎與先生州里同流寓復同獨不同時爲恨遂於一冬之餘細爲讐校

凡改正百餘字以呈黃師明立師亦改定三十字將授梓一夕具名酒于燈下而讀之不覺盡七百首先生之衣冠容貌恍然立于几席乃知先生之詩錯綜變化不可名言如自謂得工部矣而未始無青蓮得右丞矣而未始無襄陽其間有初盛矣而何必不中晚皆李唐矣而何必不宋元他如郊島元白謠諑仙鬼無不鑪錘而出之以自滿其志而成其一家乃其苦吟險覓若號若笑之狀于楮墨外更有可思焉世謂先生但能學杜甫者陋也


白雲集 是詩
今是集廣布吾知海內有善讀者亦思與先生同時而不得則必有銅鑄而絲繡之者無復以陳大頭忽之者矣

萬曆戊午三月穀雨前二日莆陽宋珏書于白門之浪齋

白雲集序

馬之駿曰余初與竟陵鍾伯敬遊則伯敬好稱白雲先生云余徵之爲稍稍道其槩曰向從南都林茂之所見先生五言今體一卷蓋竟先生世無能名其詩者死而知寶愛以聞於人亦多茂之與其兄子丘力傳所稱從旁痛哭有以也比伯敬再入都則茂之業攜先生詩從湖湘間授之與俱來矣二三同好傳玩幾敝相與論著而梓之夫有明以來詩之窮無如先生者饑寒喪亂窘辱悲苦種種

皆備昔人之所未有而性情足以副之吾無以窺先生獨見其手鈔原本波畫枯硬如燥枝斷蚓而綴補編彙無一字苟則先生之挫名憤世所自托於不可知之人者爲計工且遠也伯敬曰吾平生崛強獨不能不北面畏先生假使先生而在粗爲供具以給饘粥俾不向卜肆屨傭中分吟嘯之日其痛哭將何如哉刻成聊題此以志沿起餘已詳伯敬所爲傳中間先生他體有十六本亦在南都某氏家天不忍沒此異物當必復合使天下知竒窮如先生不能以不傳之日害其傳而且令草莽間知爲詩者必如先生始斷斷可傳也歲在癸丑暮春之初



白雲先生傳

竟陵鍾惺撰

白雲先生陳昂者福建莆田黃石街人也所居所至人皆不知其何許人自隱於詩性命以之獨與馬公子用昭善先生詩所謂自天亡我友者即其人也其後莆田中倭城且破先生領妻子奔豫章織草履為日不給繼之以卜泛彭蠡憩匡廬山觀陶令之迹皆有詩已入楚由江陵入蜀附僧舟傭爨以往至亦輒傭於僧遂遍歷三峽劍門之勝登

峨眉焉所傭僧輒死反自蜀寓江陵松滋公安巴陵諸處至金陵姚太守稍客之給居食久之姚太守亦死無所依仍賣卜秦淮或自榜片紙於扉爲人傭作詩文其巷中人有小小慶吊持百錢斗米與之輒隨所求以應無則又賣卜或雜以織履而林古度與其兄懋者閩人林孝廉初文子寓居金陵者也一日兄弟過其門見所榜片紙於扉者色有異突入其室問知爲莆田人頗述其平生一扉之內席牀在竈敗紙退筆錯處其中檢其詩誦之

是時古度雖年少頗曉其大意稱之每稱其一詩輒反面向壁流涕嗚咽至於失聲其後每過門輒袖餅餌食之輒喜復出其詩泣如前居數年竟窮以死其子倉皇出覓棺衣舁之中野古度兄弟急走索其集無所得得先生手書五言今體一帙五言今體者五言律排律也其詩予莫能名其自序略云昂壯夫時尤嗜五言第家貧無多古書得王右丞卽誦讀右丞得杜工部卽誦讀工部閒取其所中規中矩者時或一周旋之又時或一折旋之

含筆腐毫研精殫思今觀其五言律七百首則先生所學所得實錄實際盡此數言矣其云末一卷爲排律亦不存蓋謝生兆申云先生有集十六卷在江浦族人家或亦有據今刻其存者以次購之論曰明自有詩而二三君子者自有其明詩何隘也畫地爲限不得入自縉紳士夫詩的的有本末者非其所交游品目不使得見於世者多矣况老賤晦辱之尤如陳昂者乎近有徐渭宋登春皆以窮而顯晦於詩詩皆遜昂然未有如昂之窮者也予嘗默思公織履賣卜傭爨傭書時胸中皆作何想其視世人紛紛藉藉過乎其前者眼中皆以爲何物求其意象所在而不得吾友張慎言曰自今入市門見賣菜傭皆宜物色之恐有如白雲先生其人者甚矣有激乎其言之也

五言今體自序

陳昂曰詩之有五言律也則今體哉斯體也初唐作者甚雄壯開元間則入化境昂壯夫時更嗜五言第家貧無多古書得王右丞卽誦讀右丞得杜工部卽誦讀工部兩先生雖千載以上人而願爲神交閒取其所中規中矩者時或一周旋之又時或一折旋之含筆腐毫研精殫思屈指歲月則不能無感慨於其間蓋自十年避難萬里逃生留落至于今其皤然兩髻垂雪乎顧模倣叔敖雖同言

白雲集 自序
貌而亦行亦趨反於故步則失之何以故殆天之
降才殊也才降自天彼此何分而人之稟才則有
長短昂受既短末由着力相安於天而已五言今
體自亂後至今凡若干卷末一卷爲排律
萬曆甲午花朝草序

校刻白雲集姓氏

李春熙 皞如

黃應宮 元聲

陳臣忠 景周

方應祥 孟旋

葛一龍 震父

孫光宗 照隣

程嘉燧 孟陽

胡宗仁 彭舉

葉胤祖 肇禧

李流芳 長蘅

鄭澤 于榮

鄭夢熊 占非

黃居中 明立

方時俊 求仲

何允泓 季穆

王宇 永啓

費元裕 節卿

茅元儀 止生

郭天中 聖僕

曾鯨 波臣

洪寬 仲韋

張士昌 隆父

黃世康 元幹

鄭鳴珂 兆振

陳其謀 鼎卿

陳綵 效彬

黃光 若木

原校姓氏

鍾惺 伯敬

吳亮嗣 明仲

馬之騏 時良

陸夢龍 君啓

林榘 子丘

林古度 茂之

丘兆麟 毛伯

魏光國 士爲

王象春 季木

文翔鳳 天瑞

張慎言 金銘

俞琬綸 君宣

謝兆申 耳伯

商家梅 孟和

馬之駿 仲良

陳玄藻 爾鑑

譚元春 友夏

鍾恬 叔靜

江元禧 邦申

汪慶百 元履

明偉

白雲集卷一 目錄

五言律詩一百一十二首

途窮書憤

散愁 二首

吳元震見過

宿江邊閣

得家書

城破矣 三首

聞戚將軍 三首

有歎

江滌

歲暮

遣悶 二首

寄江東友

登樓

還家

移居巴陵 二首

垂白

移公安 二首

賃草屋 四首

新賃草堂 五首

沙市 二首

百花莊 四首

四十明朝過二首荆州雪中

亂中元夕

長兄消息三首送次兄三首

進雲安

泊雲安白帝城酒樓

移居白帝城外

七夕二首登白帝樓二首風色

望鹽山二首殘秋遣悶

貴忘月下在路二首峽口二首

灩澦二首下峽灤西寒望

巫山二首小艇始發

張伯大二首辭方相公五月三日三首

天涯牛頭寺二首渝州

夜泊繫纜過左擔

涪州宿白水寺二首宿不到寺

宿牛心寺夜坐五十

一瓢道人仙人閣晚坐

山行別彭子佩送許道人

雨後郊居寄馬乾化赴社

湖面一路故人見過

述懷兀坐塔院

暮春

寄吳徵君

山行

一韻

宿半心寺

外坐

天賦

念

白雲集卷之一

蒲陽陳

昂爾瞻著

同邑宋

珏比玉校

五言律詩一百十二首

途窮書憤

有書不得上行亂遂途窮痛哭逢河洛徘徊笑華嵩漢朝疏賈誼隋代屈王通天問安能得溪山負

二公

散愁二首

白雲集 卷之一
王粲何濡滯嚴遵強應酬下簾先讀易懷土一登樓素有履霜操今無禦雪裘人間純逆境似與道爲讐

其二

拂拭太阿色堪悲百鍊鋼妻孥關日暮身世困冰霜閱歷交何薄飄零怨貴忘人生難再好遮莫醉爲鄉

吳元震見過

天地同心者斜陽訪穀城隣封賒酒至柳陌聽鶯

鳴坐久雲方散談深月始明相知不投轄且住莫辭行

宿江邊閣二首

暝色江邊閣行吟易斷魂風前兩岸葉月下一聲猿夜哭誰家婦寒號何處村洞庭春水動僱艇去荆門

其二

海西方吐月水曲始收艫僊梵鳴孤寺皇華寂一亭銀河仍顯晦黃葉應飄零易動刀環夢雙懸牛

斗星

得家書

山婦天涯信危為遠鴈沈折方橫兩路喜似得千金廢圃春來草貧家秋後霖兀然孤燭下雙淚濕重襟

城破矣領老妻逃入僂遊胡嶺三首

喪亂餘生在饑寒何所投晝逃聞鬼哭夜竄望僂遊有徑風先慘無山鳥肯留老妻向天問賊勢幾時休

其二

觸目驚猶故逢茅伏自遮扶行衣盡剝衰削面如瓜橋斷深宜厲途昏曲恐差斜風飄細雨忙殺未棲鴉

其三

兵火可謂慘流離更遇災山盤臨虎穴林伏令鳩媒烽舉天同亮嵐稠嶺不開經旬頭白盡只為賊中來

聞戚將軍將至領老妻從萬山中往鐔州賦

閩三首

未必妖星墜應憐瘴嶺迷
支撐尋鳥道曲折步漁
溪時事多無據音書少有題
十年羣盜劇竄伏淚

長啼

漁溪地名

其二

豺虎徧天地避之却又逢
膽銷應少睡身病怯多
凶猷壯須元老憂深動九重
不知魚鳥陣何日奮
前衝

其三

元帥聞將至七閩後後秋
欲回上帝怒先復匹夫
讐獻馘鯨波上招魂劍水頭
殘生留眼看平復舊

神州

有歎

消息如瓠月流離傍夕暉
犬戎何日滅鄉井幾時
歸山鬼行相引江猿和不稀
老妻憐淚盡沽酒問
柴扉

江滌

江滌風難靜關頭嵐尚迷
天河明一鴈鼓角亂羣

白雲集 卷之一 四
雞飛將今安在妖星久未低偷生垂老日身世寄
塗泥

歲暮

久歷夷侵後將更國破年瘴林飛細雨枯樹吼寒
天離亂山爭廢飄零髮改玄四郊多戰壘歲暮淚
雙懸

戲作俳諧體遣悶二首

既遠軍中角方招道左魂雄風欺弱絮吾道屬荒
村任笑喪家狗何殊失木猿饑來誓冥報幾度謁

侯門

其二

國破家何在梅花春已深妻孥罹困苦兵火迫浮
沈日出光終晦山空闕易侵驚魂招未醒去歲到
而今

寄江東友

海夷連入寇逃竄未遑愁血已塗千里腥將達九
州皇天能不怒匹婦豈無讐聞道廟堂上遙徵衛
霍收

白雲集 卷之一
五
閩南登樓

切莫憑樓望令人更慘悽戰場多鬼哭息壤聚烏
啼黃霧埋城郭寒風死鼓鼙深林巢燕子來往亦
啣泥

亂後還家

鄉鄰純瓦礫難辨遂深求瑟瑟風先冷離離黍已
秋郊原餘戰壘故舊一荒丘隻影斜陽徑安能遣
淚收

移居巴陵二首

此卽巴丘戍相傳魯肅城古今餘往事兵火剩殘
生楚水爲漁便湘湄賴舌耕地靈如獲託亦足寄
遐情

其二

旣愛重茆好何須隙地樊及春鋤可把方煖鳥能
言移有療愁草種於離垢園清溪如匹練亦擬浣
花村

垂白

垂白還多事安能與世疎家貧思寄食歲暮且傭

白雲集 卷之一
書赤甲悲歌後烏蠻瘴癘餘干戈未偃息萬里嘆
吾廬

移公安二首

交久情可知秋深居遂移卜鄰逢哲父拾穗許癡
兒采藥防衰急添茆得煖宜江干二麥好生意望
來茲

其二

雖曰居難定何須嘆屢興城纔劉備築營又呂蒙
增白首猶漁釣青山且友朋干戈如稍息歸思卽

軒騰

松滋賃草屋四首

伏枕松滋夜衰容亦可憐全生牛馬後用拙路途
前欲飽須煨芋驚寒急採綿閒尋三兩叟談笑白
雲天

其二

垂饑當老大旣冷望清和風黑江南雨秋黃郢上
禾餘生安苟且壯志任消磨不遇蘇司業其如酒
債何

其三

西郢清秋曉隨傭去築塲揮鋤憐蟻穴車水避魚
倉地濶雲純白天寒菊始黃此間玩風土一一似

三湘其二

其四

西風葭菼響江介欲斜暉征鴈鳴何急孤雲凍不
飛重編禁雪履百結耐霜衣采菽歸來晚悲歌自
掩扉

暮春題灤西新賃草堂五首

却近千年勝先尋五百弓西山看大小灤水愛西
東把釣晴谿上編茆春色中心無堪恠事不必擬
書空

其二

峽口聯江口山鄉亦水鄉春來容膝屋雲倚及肩
墻旅食亦求靜偷生且善藏灤西居頗適好賦反
騷章

其三

茆伐將添屋囊貧未買山不成向黃石聊且傍玄

白雲集 卷之二
關世事流雲態江天釀雪顏悲歌岩溜上趨舉動潺湲

其四

百舌將無語亞枝尚有花暮春宜採藥朝夕好鋤瓜此亦尊生處聊爲賣卜家床頭三卷易甲乙傍南華

其五

先輩曾流寓余來亦勝遊雪消春水起嵐點曉山稠種有千章柳陰如萬戶侯百錢朝已賃草屋遂

吾留

沙市二首

此鄉如地肺一望渺無山春在樓臺裏江浮花鳥間荆州不願識王粲未能還漁釣堪餬口柴扉晝亦關

其二

都會無關我徘徊且逗留濤移巫峽影家住荻花洲林木團青蓋雲霞結翠樓稍看春水動南去九疑遊

自沙市復移居百花莊賦四首

久眠一柱觀復往百花莊遺世尋幽事吟詩入醉
鄉洞庭珠橘美雲夢玉杭香吾慕先賢達橋西有
草堂

其二

寒日肺偏渴衰年腹易鳴朝來煨土芋婦起饌藜
羹山水多真趣鳧鷖有舊盟茂陵如病減著賦見
平生

其三

龍馬山前好村村有古風歌從耕鑿後春在笑談
中林秀容顏別梅開氣味同雞雛相往熟呼喚取
沙蟲

其四

峽裏舟方下江邊屋又租移花勾蝶至買樹得雲
俱梅雨孤峯綠櫻桃四月朱桔槔如盡力蔬食不
能無

避亂將除夕憶明歲行年四十矣誦杜工部

四十明朝過作二首

四十明朝過斜陽只自哀夢魂歌裏哭鄉國劫餘
灰弟妹殊方別乾坤何日開壯年行已逼吾道不
相催

其二

四十明朝過今宵萬里餘牢愁偏轉倍殘臘不能
除左馬時憎後夔龍志滅初生涯謀爛醉天地莫
相拘

荊州雪中

厭作荊州客行難住更難衰年驚歲暮荒雪困爐
寒蓄少冬何御英彫夕未餐將晴呼穉子收拾下
公安

亂中元夕

城破猶全命冬除遇履端雖春花濺淚此夕鐵爲
肝黃日多蕭索青天救急難淋漓雙眼血滴到幾
時乾

得長兄消息三首

烽烟二十載消息得家兄奚啻驪珠在過於馬角
生故鄉還念否歸路可終行有翅飛霄漢江淮徧

往迎
其二
別來全是夢信到忽如顛咫尺三千里睽違十六

年渚中鴻鴈影眼底鵲鴿篇襟袖啼痕在無非血
染然

其三

近有鄉人信饑寒不可言懸鶉吳越路寄食水雲
村歲月誰能記沈淪孰肯援臘殘春稍動尋覓徧
中原

送久兄亂後赴秋浦三首

亂後能無事窮來望有依且隨鶯一出好與鴈同
歸西楚烟波淨東吳兵馬圍此身原考妣珍攝向
斜暉

其二

烽烟到處同天地幾時通兄弟皆分散家鄉正困
窮日高行鳥道歲暮戀漁筒老去防流落應思塞
上鴻

其三

閩在春山北江流秋浦西何時孤艇到此日萬行
啼世亂歸音信途平好品題桃源隨地有相見莫
相迷

進雲安

漸失烏蠻瘴新逢白帝寒霜催沙磧奮風弄葉聲
乾峯眇孤烟直江空落日團布帆報無恙今夜進
雲安

泊雲安

裋褐絲絲斷爲冬不亦難蘆花裝被煖楓葉受霜
乾溪日恩終厚山風勢未寒此間多美酒生計卜
雲安

與友夜宿白帝城酒樓分得樓字

公孫躍馬處今爲世外樓相逢添曠達安肯動窮
愁巫峽蒼雲夜星河白帝秋狂歌應大醉萬事付
虛舟

移居白帝城外

却笑城將厭安能野又辭猿先明月夜花亞暮春
時喪亂仍流落羈棲且老羸病來殘臘盡十日九

無炊

白帝城七夕二首

忽聽長年說今宵七夕臨客邊慵曝腹夢裏寄穿
針新月黃牛峽西風白帝砧天河正相對脉脉寄
情深

其二

酌盡雲安酒酣歌赤甲西鵲橋新往渡鶴駕遠偏
低星斗搖三峽江天肅五谿虛舟自身世今夜醉
如泥

秋上白帝城登白帝樓二首

石壁將天壓山樓反不奇英雄雲散後烟靄日斜
時碧澗秋光老青林鳥夢宜樽前多感慨衰柳已
先知

其二

高樓尊且倨雉堞遂來降峽釀襄王雨風翻夏后
江黃花留暮景白帝坐秋窓躍馬今安在沙鷗舞
自雙

風色

白雲集 卷之一
風色一以變林光反不禁黃姑依淡月白帝動清
砧萬里無家客孤燈獨坐心余行濡且滯舟楫豈
難尋

雪後望白帝城鹽山

艷矣鹽峰色分明雪不迷冰壺供白帝雲氣挂青
藜日覺綿裘似春拚麩米宜直須桃杏放始進浣
花溪

白帝城殘秋

衰羸筇裏見戰伐夢中看久歷三年苦生無一日
懽翠屏空晚對白帝正秋殘峰頂孤松色懸知耐
歲寒

日暮遣悶

欲盡西傾日全低東去天雪峰沈萬籟鹽井淡孤
煙故國兵戈後他鄉凍餒年寥寥今夜客道自洞
庭邊

貴忘

野橋亦淺促朝徙水雲鄉浦近尋魚腹山佳問麝
香仗龜行度口養鶴畏分糧莫把愁腸結衰年在

貴忘

白帝城月下在路

馬體汗如雨余應有苦辛獨支天外路易困斗南
人乳虎遊斜日蒼猿聒暮春那期故國月白帝照
懸鷄

峽口二首

峽口雲何湧峰連十二飛渴猿多接手乳虎自張
威白浪如山大黃花帶露肥巫陽有神女行雨未
曾歸

其二

萬里秭歸路淹留又半年峽雲如杼袖巴水學水
玄迢遞家何在衰羸鏡已憐裁書不能寄淚盡思
茫然

過灩澦二首

風來蒼峽底雲去碧峰巔石壁天開後波濤禹鑿
先牽江臨始日避地記經年把釣者誰子安能似
汝賢

其二

萬古江心石懸流不改容舟行防馬象波起震蛟
龍星斗宵先覆烟雲午亦封六丁何力大疏鑿盡
芙蓉

雨後天晴放舟下峽

雨後虹方挂晴來霧始收風光明翠岫江色淡新
秋返照薰殘濕寒潮踏急流放舟下三峽定醉仲
宣樓

灤西寒望

灤西春漸及殘臘卽相分江面生新靄梅稍挂曉
曛山風雖惹雪野燒欲蒸雲十二峰猶近猿聲縹
緲聞

巫山放舟二首

落日過三峽狂濤戲一舟浪高迷白狗雲俯罩黃
牛日眩蘆花色神隨竹箭流寒威鍾此地風氣冷
颼颼

其二

舟離魚鳧國濤飛雲雨鄉三更眠灩澦八月下瞿
塘天地搖如覆雷霆吼更長禹功饒片石明德嘆

殊常

小艇

小艇下青灘長江較漸寬
千山梅正雨四月麥初
寒世態用情薄關山行路難
子規聲頗慘客淚可
能乾

始發

始罷渝州柝長干始發時
征帆飛早月歸鴈唳寒
颼下蜀辭三峽浮湘入九疑
此生無不可惆悵別
峨眉

春日與張伯大明府泛舟二首

今代張平子風流我輩人
仙舟迎霽雪錦纜拽晴
春遠岫含盃翠初陽熨浪勻
聞歌沙鳥下一一倚
垂綸

其二

春色催舟發江天入品題
瑞雲懸日角平楚露荆
西岸影迎檣活鷗羣坐水啼
東風多樂事醉唱白
銅鞮

辭巴陵方司徒相公

白雲集 卷之一
八月乘槎便遂於大老辭得風還海上回首隔天
涯林麓雲晴後沙欵月朗時置身若秋水以此答
相知

五月三日作三首

光陰會鶉首啓節是朱明羽客貽桃印隣家送朮
羹人間方競渡吾道欲尊生五色絲何益離憂嘆
屈平

其二

白髮因流落黃鸝遂懶言新潮兩岸失宿雨半谿
渾艾草求何賴蘭湯浴正溫可能續命縷老病度
晨昏

其三

萬家懽賀節此日歎詩窮無復貽菰糗何從射角
弓熟梅行細雨新鳥響薰風心有安符處未靈不
貴同

天涯

天涯旣已厭海角豈堪登水弩迎相射山烽踴始
騰多愁攻拂鬱百病應炎蒸萬里殘秋夢還家面

白雲集 卷之一 友朋

宿牛頭寺二首

天半牛頭寺梯雲相應酬山風襟正度河漢目能
遊巖瀑千層月松風一片秋奇哉蘿葛色蒼翠濕
筇鳩

其二

青山意不盡昏黑坐諸天精舍金爲地耆僧雪滿
巔法輪分色界慧樹散寒烟別有啼猿趣西風共
灑然

上渝州

始信渝州水懸流不可當兩山如咫尺三日拽舟
航鬼彈中人影陰潭發夜光孤猿啼欲罷又響榨
油郎

自成都下渝州夜泊

蜀去吾廬遠恍然絕域西獨經明月峽猶在浣花
溪開闢天爲險行藏命不齊干戈滿天地歸路若
相迷

繫纜

繫纜斜陽後聊依杜若洲寒溪如素練霜積混沙
鷗漸遠峨眉月應添灩澦秋家鄉雲萬里明日下

渝州

過左擔

四月劔南道餘寒過左擔嘴黃看乳燕冰皎曬原
蠶蕨應猿聲長雲將藥氣含石夷有禹穴此日恣
幽探

過涪州

寥落一涪州驚心幾度遊屢更新地主不改舊沙

鷗片月穿仙嶺微雲止戍樓山山寒氣甚夜半擁
重裘

宿峨眉山下白水寺二首

高矣峨眉立削之亦不成余方草坐看鐘為客來
鳴灌耳雷先過傾盆雨稍晴三千鐵佛殿緣結却
非輕

其二

南戒茲為首闌干夜尚憑光生六代錦幽散萬峰
燈猿似一拳小苔垂幾丈層三峨明日道筇興頗

軒騰

峨眉道中宿不到寺

不到寺名也

蒼水西南寺何為命此名懸知人世隔却斷古今
行堦下惟雲宿日中或鳥鳴我來冠千載獨到見
平生

峨眉道中宿牛心寺

雙谿噴飛雪石跨自天然龍影波中現牛心空裏
懸夜光騰寶氣秋壑淨雲烟三藏留禪錫飛昇不
計年

孤舟夜坐

漁燈三五點斷岸小舟孤潮水浮殘月風波虐破
眾愁多吟不就困極夢全無何日滄洲上歌聲震
五湖

五十初度

雖曰不稱歿有如露欲晞舌耕供四口肺病掩雙
扉鬢自詩成白心惟戰勝肥稍知今日始四十九
年非

別一瓢道人

此別清秋日相看更寂寥
霜風黃葉怨時事赤狐
驕以我憑孤劍知君戀一瓢
何時滄海上同和白
雲謠

宿仙人閣

仙子留遺跡闌干撫二更
懸燈峰嶂立欹枕漢河
明竹氣穿窓馥松風徹耳清
誰云天路遠恍佛玉
簫聲

還家晚坐

最厭長爲客還家秋雨中
饑容嘆妻子敗葉理梧
桐俗覺今時換人憐前輩
空青青一雙眼落日送
冥鴻

新涼山行

萬物容吾適秋來適更宜
扶筇臨霽野振袂遇涼
颼木末鳴蟬際天邊飛鴈時
生涯吾自賀好景日
催詩

別彭儀賓子佩

一掬別離淚罇前未易收
余方辭虎口君莫賦刀
頭賓館朱炎午人間白越秋
諸仙猶可訪早晚入

羅浮

送許道人雲遊

却羨雲邊客風流不可言
天長遊似鶴山靜嘯如猿
綠蟻聊離餞黃芽正討論
待余烹就後與爾入崑崙

季夏雨後郊居

雨歇何其霽風薰尚有溫
林篁純解籜水稻漸生
孫耕鑿多連井謳歌不出村
比隣效河朔日日倒芳罇

寄馬乾化

一自海陵別三年轉眼餘
歸依海外學成否枕中書
爾視蓬壺近余慙木石居
曾期訪天闕日望五雲車

赴社

天靜山中日雲開雨後村
暖風歡鳥雀春社宴雞豚
孺子今為宰寒家世灌園
素心三五輩談笑坐松根

湖面

湖面初秋色清如鏡裏清潮來飛白鷺烟至織黃
鶯虹學美人出風爲少女行此間塵不到身世兩
忘情

一路

一路頗幽閒行行又幾灣微茫聽竹籟次第較花
顏林壑千層瀑茆堂四面山下居如得此日日閉
柴關

故人久別見過

故人憐久別握手夕陽前兒摘驚雷莢妻烹喜客

泉萬山飛絮雪一地盡榆錢往事真如夢淒其白
髮年

山中述懷

始向山中住生涯一旦先春來各色鳥雨過百花
天朴野安風俗饗殮用豆籩那期今得此自賀白
頭年

山中兀坐

大與城市隔方知峰岫深非緣叫嘯至便覺見聞
沈儼若本來面澄然物外心挂瓢猶有累何用壁

間琴

塔院一眺

院在千盤頂雲於下半封禪衣猶挂樹遺蛻已藏
峰處處天花色谿谿水鏡容上乘人已去石壁照
斜春

暮春衡門

篁高墻外出花亞露中勻一倚衡門望谿山在暮
春移罇坐碧草修禊聚芳隣少長酣相許義農我
輩人

寄吳徵君

別後韶光換新蟾響弱枝葑田斂穫日藜杖笑歌
時醉興黃花好交情白首知片雲飛有意遠託寄
相思

白雲集卷之一

白雲集卷二目錄

五言律詩一百一十一首

病起

行藥

友人北歸二首

湓浦

春暮寄友

殘荷

寄李隱君

答友

孤燈

除夜

呈蔡丈人

送李丈還奔牛

寄友

寓寺寄友

携琴酒尋僧院

泛溪上

淮水候張君

寄許道人

雨後

靜坐

入市偶有所聞

別袁大叅

宿棲霞二首

上方寺二首

贈弟

小園花開

重登滕王閣

初歸招忠公

寄茅山道士

寄張秀才

寄曾宿卿

耕日

伏日

宿小菴

喜雨

小雨

細雨

王竟携酒

經故人舊居

暴雨

九奇峰

石鏡峰

廬山夜雨

上大林寺二首

尋趙隱者

送野雲道人

宿五老峰二首

白鹿洞三首

宿黃巖寺二首

天池院四首

宿錦綉谷

下大林寺二首

尋竹林寺

廬頂

天池道中二首

過陶里

讀王叔大詩

散步

聞蟬

宿潯陽

宿北寺二首

東林寺二首

遠公

宿虎溪

西林朝起

西林寺二首

過顧隱君宅

寫懷

初夏

醉石道中

遊夜郎

宿圓通閣四首

一悟

送友還楚

送友還鄉

晚泊

寓朱雀門二首 洪崖道中

遊紫清宮

二首 五精道中

送內尋比丘尼

廢寺

鏡中

宿江亭

宿西山人家

西山初冬

南浦驛夜坐

王山人小酌

徐孺子墳

訪養公

白雲集卷之二

蒲陽陳

昂爾瞻著

同邑朱

珏比玉校

五言律詩一百一十一首

病起

是日糜能進謝天病不加梳頭辭本草入眼駭新
茶一剪方開戶半庭多落花春歸何處也朱夏正
當家

行藥

行藥到山口青山趣不微林香逢杜若谿影見苔
磯橋渺渺如雪巖幽石似扉薰風滿天地病起轉
忘歸

友人自北歸會於旅館把酒間各賦二首
千里雪何白一宵眼忽青立談更短跋把酒下殘
星不易能同醉堪悲在獨醒相逢人世裡涕淚說
飄零

其二

君說金門路橈槍居斗魁我驚冠蓋里風浪起靈
臺閱世難相託謀生轉可哀深山更深處同看老
梅開

早發湓浦

久旅多歸思宵寒夢不成風微知浪靜雨息罷鼉
鳴懸火潯陽市收嵐鯨布城長年呼解纜天色定
開明

吳中春暮寄友

勞矣條風力吹成萬綠稠楊花啣小燕荇帶曳輕
鷗別後多鄉夢貧深惹旅愁東吳三月路破碎黑

貂裘

有令賦殘荷遂口占

萬木方零落荷先葉自傷旣圓應有破久翠漸多
黃蓋或隨波蕆莖猶惹露香蓐收無賴日惱殺兩
鴛鴦

寄李隱君

別後幾何日階莫六易餘肺肝曾共照魂夢遂難
踈世事果蕉鹿生涯怨魯魚去留無一事決策習
陶漁

答友書問

一入荒涼住眼前何所聞出無驢馬便行絕世人
羣晚水飛黃葉秋山坐白雲若非嵇叔夜遠念肯
殷勤

孤燈

歲序一何速秋容漸以加峰陽黃橘柚江裔白蒹
葭衣恠西風脆途憐東道賒孤燈燃客夢夜夜不
離家

三江除夜

天地今何節可禁節到予濕薪烟易凍苦雨夜將
除獨客三江外孤燈四壁餘生平飛動意安在又
安如

呈蔡丈人

我非能豹隱君豈願鴻遵却易分襟去最難握手
親百年同皎日萬事結清因倘念松間月來尋谷
口人

牛首寺中送李文還奔牛

訪舊情何切言之淚卽流相離拚飲酒一醉易登
舟江惹梅黃雨衣寒麥熟秋懸知牛首夢隨汝到
奔牛

寄友

春色今將老君應起色餘元龍高自傲司馬近何
如草昧詞人起荒時國士踈江濱新佃地下走已
耕鋤

寓寺寄友

野寺無人到青山在眼前閒聽黃鳥叫空擁白雲
眠老矣愁無益何哉興不先杖頭耐相訪正有賣

文錢

携琴酒尋高人所居僧院

相訪何須問寒松翠滿庭香焚琴正奏風靜鳥堪聽
聽世外懷相似山中景易停一罇猶未盡屢換水
雲屏

與蔣少府泛溪上

一片同天色溪清不可言山沈猶撥黛水潤欲浮
村卷幔遊朱鷺行歌聚錦鴛憐君公事少愛客日
開罇

淮水南池候張使君不至

池上春雖好客懷終少開可憐黃鳥至不見故人
來駟馬無由問雙魚亦寂哉相思明月下孤負掌
中盃

寄瓦官寺許道人

數月不相見近聞離瓦官多因採藥去足跡徧烟
巒連夜風雨惡六時杖屨寒雲飛天上白何處問
平安

雨後

雷雨散長空新晴萬里同秋湖吞岸白晚照入樓
紅海已先迎月禽猶尚御風漁燈三兩點光射水
晶宮

靜坐

靜坐衡門下悠然白日閒一身猶是寄萬事不相
關峰色雲初抹溪心月正還問余所最切沽酒醉
青山

入市偶有所聞

天朝聞起廢堪笑亦堪悲一石方醒後羣狐賴藉
時蒼生知不耐小草出應疑歸向山中道人間事
可知

別袁大叅

片言卽如故愛我亦何深豈有白雲客能爲清廟
音峰高生暮色葉落愴離心今夜蒹葭外思君一
奏琴

九日與張徵君宿棲霞寺二首

二十年來別何期此夜同故將看菊興相對散花
宮酒美沽山下宵良恐夢中棲霞新月早攜手話

墻東

久欲將交道投之澗水濱。談深秋夜月。君是古時人。酒至先看菊。風高欲落巾。只愁紅日上。又見別

離新

坐上方寺二首

峰亂將門。蕭崖空置殿。牢仰攀雲滿。面俯視樹如。毛碣玩齊梁。古山分吳楚。高六時無一事。隨喜在神臯。

其二

久失題詩趣。茲行趣尚存。鶯花醫病眼。泉瀑爽吟魂。林古啼黃鳥。巖幽挂白猿。所貪惟佛日。枕石就芳蓀。

贈吾宗進齋弟

吾宗如大弟。真有古人風。素住擡頭屋。頻彈焦尾桐。肺肝純用厚。鄉黨將無同。談到當今事。都歸涕淚中。

小園花開。思欲賒酒賞之。

盡力將園灌何期亦露木氤氳三月滿紅紫百般
開只恐狂風起尤驚凍雨來村醪賒已許賒到卽
啣杯

重登滕王閣時正風雨

閣外猶然浪自天章貢翻西山雲布陣南浦雨傾
盆中外何多故怨咨豈一村追思賣屨處風景愴

吟魂

余舊在豫章織屨爲生

初歸躍馬澗招長干忠公

萬事不如意方知無事閒傍墻分暖日移榻就春

山黃鳥飛初下清泉汲正還題書寄開士帶月扣
柴關

行至揚子縣寄茅山道士

我行揚子縣此路有誰同堤上時時雨帆邊颯颯
風金從結客盡詩爲落花窮句曲雲何白看雲悵
望空

別後寄張秀才

有聚定有散余奚淚獨傾河梁別知己天地愴多
情不獻誰能別無干在耐耕山中詩與酒亦足傲

平生

寄曾宿卿

別後車重敝更逢三伏晨流金驅險道買玉爨勞
薪我已思樵隱君應耐釣綸窮愁如自見莫厭著
書頻

耕日作

厭作吳門卒來依石戶農戴星尋老友負耒聽晨
鐘非類時宜去無霖歲未凶何須車水救明日是
分龍

伏日夏口寒甚

三伏寒何故連旬風雨晨汪洋白夏口遠近綠秋
萼瘴癘除生齒兵戈鬧虜塵高天難借問對酒好
傷神

登峰頭宿小菴

峰頭開雨意海影入蘅茅石裂桃花洞林成木客
巢長藤扶路叫苦竹補山坳此地如分半人間卽
息交

喜雨

六月陽先亢化工頃刻殊滿空飛白雪到瓦濺明珠破塊醒花木隨風潤體膚老人已散髮箕踞坐冰壺

小雨

驟爾誰能見居然善發生初沾枝亦覺久濕葉多情野徑無非潤茅茨不貴聲曉來花似錦開徧秣陵城

細雨

細雨黃梅日彈琴飲酒時欲尋無始似未問有巢誰乳燕嬌穿幕新蟬響度枝衡門淮水上一片白雲籬

王竟攜酒高亦同過共用開字

却愧孤村遠何期二妙來烹茶先掃葉攜酒遂行杯坐頗談天適詩真奪錦才淹留無可獻喜得菊花開

經故人舊居

朝旦訪滄州悲哉土一坵遺文拋甲乙主社換錢劉宿草風偏慘荒村月不留淒涼籬下菊今日爲

誰秋

秋日暴雨

秋山朝有準一半霧先遮共指魚秤水懸知雨洗
車斯須埋屐齒容易失蒲芽無恠前村說溪流走
白沙

廬山九奇峰頂

九奇更深邃九十九盤來雲色淡於水泉聲響若
雷日中間叫嘯天外插崔嵬尚有六朝木天年賴
不才

題廬山石鏡峰道者精舍

不淺廬山色安能易易云青天看咫尺幽谷絕知
聞海日先於曉仙飈忽作雲下鄰如可遂清嘯與
猿分

廬山夜雨老僧對坐

萬壑秋深雨空山夜半燈步殘黃葉寺坐對白頭
僧可惜一彈指翻成三折肱歸依如未晚習靜問
宗乘

宿廬山上大林寺二首

白雲集 卷之二
廬頂去人遠方知節氣遲客來小暑後天似早春
時竹自軒轅古泉由河漢奇不虛盤已到世外日
吟詩

其二

大林論當日曇詵講經臺雲頂峰何秀娑羅花正
開風行先鳥嘯谷飲約猿來夜半一聲磬天門夢
寐回

尋廬幽趙隱者茅廬道中作

匡俗飛昇處古今世外村巧雲懸午嶼好鳥尚春
言崕嶮千重隱桃花十里樊斯時巖下叟散髮坐
松根

送野雲道人游上霄峰

上霄余兩到雲氣日奔衝爾以一雙屐獨登九十
峰虬鱗生恠石鳥道挂喬松上有餐霞子別來又
暮冬

宿五老峰精舍二首

九十九盤頂身爭萬物先往開秘密藏上柱蔚藍
天雲氣成朱綺峯頭聚紫烟溪山洩靈秀無恠聖

白雲集
卷之二
三
燈燃

其二

峰峰雲忽霽五老若相期
筇上銀河濕衣間珠露
垂陽鳥飛更早花事到
偏遲好似岷峨頂猿啼
十二時

白鹿洞三首

白鹿今猶古青山去又留
雲封孤洞日籟應萬峰
秋林暗松偏直巖深鳥自幽
溶溶小三峽觸石若
鳴璆

其二

三疊流泉匯看泉眼更青
借眠李渤洞敢混伍喬
星幽僻成佳境深沈愜
晚齡麻衣仍草坐萬象靜
巖亭

其三

欲尋二李跡清曉靜巖
扃鹿學秋花白雲如古洞
青初分三峽水相對百花
亭酩酊村前酒長歌翡
翠屏

宿黃巖寺因尋舊遊處二首

重來尋舊跡何異夢中遊草木榮還悴歲華春且
秋丹霞空惹屐青靄尚侵眸三嘆巖棲子雲深不
易求

其二

廬山雙劍峰峰下黃巖寺風掃七尖嵐窓飛五老
翠瀑泉天外垂海月夜深寄何處休糧僧定心石
上睡

廬山天池院散步四首

太乙峰頭色看之益可親地多不死草巖有欲飛
人尚見鐵船泊何疑石鏡新玄猿洞口路蒼翠濕
綸巾

其二

采藥氤氳處聞鐘縹緲間丹霞梁萬壑紅日鏡千
山鹿至鳴相和雲飛懶卽還天池方醕酊箕坐聽
潺湲

其三

翠壁寒如削烟霄已盪胸江湖分一髮吳楚圻雙
峰林轉禽聲換山深雪影封此間行選石坐玩幾

白雲集 卷之二
芙蓉

其四

莫問家何在誅茅即可扉
諸天清道况雙樹聚靈
暉老愛慈生學寒添忍辱衣
南宗余竊聽洗鉢一
瞻依

宿廬山錦繡谷小菴

歷盡蛇盤路登天尚幾重
亂山懸一徑新月挂孤
松雪艷多年積雲歸次第封夕陽沈下界渺渺虎
溪鐘

廬山宿下大林寺二首

擲筆峰居脊坳爲下大林山如龜背起寺較虎溪
深危石雲能宿懸崖荔徃侵夜中炎暑去寒氣透

重衾

龜背山名

其二

高山升淡月野寺遂黃昏
喬樹陰偏馥流雲落尚
溫風來催瀑響霧去見峰尊
何處啼聲切初更度
峽猿

廬山游佛手巖下尋竹林寺

白雲集 卷之二
佛手方相對雲開翠壁深亭疑鞭石就寺似鑿空
臨一滴鳴球磬孤筇問竹林何須風雨裏聞唄始
能尋

廬頂信宿茅菴

磬罷千峰寂經殘五夜深一燈明欲滅萬籟靜如
沈建木時低影騰猿忽朗吟不孤信宿興頗稱寂
寥心

夏日含鄱口過天池道中二首

一入含鄱口千峰六月寒風寒傳虎嘯嶺峻動蛇
盤彭蠡濤相射天池露未乾雲開匡續路不礙竹
皮冠

其二

九奇疊上霄經夏雪猶饒肅氣侵山谿高風響蠡
潮峰懸蒼玉筍蟬曳綠雲條地籟清如許令人渴
易消

過陶元亮先生里

晉室陶元亮其風百代師寸心光日月萬物聽鑪
錘菊尚黃爲色楊猶翠滿枝九原如可作予正執

白雲集 卷之二
鞭時

讀王叔大蜀中詩

蜀山花卉好何故轉悲傷
貧久空彈鋏饑來或采
唐可憐三峽景空結九迴腸
蠶老緣枯樹應知繭
不黃

散步

不爲幽棲去安能散步宜
山行尋地脉草坐看谿
眉鑿出唐朝鏡鋤殘漢代碑
丘陵易變換達者放
歌時

聞蟬贈以八句

去候應相宜過枝飛卽嘒
吟風多暑時飲露自天
際興到整危冠化來留殘蛻
鳥中之伯夷可以風
人世

夜宿潯陽

十載別匡廬宵停湓浦驥
只聞虎溪鐘莫辨天池
寺未與人間離安能物外
遂燈前感慨多漏靜不
能寐

宿穎上北寺二首

白雲集 卷之二
兀坐待新月窓虛月漏明長空迷鴈影高閣落鐘聲地却多瀟灑嵐何易變更此宵無所着一夢見浮生

其二

雙扉何自掩木葉亂虛庭雲濕懸鶉褐燈翻相鶴經行藏安苟簡淡泊順飄零堂靜虛生白天空寒更青

夏日東林寺二首

欲尋神運殿一徑盡莓苔鐘響日先落溪荒月少來大都身後事難免劫餘灰千載相逢晚白蓮不再開

其二

炎起晴雲外陰生古木中鶯遷搖宿雨蟬至奏薰風暑解茶瓜渴涼生枕簟功繙經臺北路隨喜虎溪東

遠公人品何其高也偶感今時不勝仰慕東林爲世重不但一池蓮苦行以成果雄詞獨入玄共修淨土會盡聚八方賢請諡爲文寂焚香先

白雲集 卷之二
告天

宿虎溪偶過香爐峰

愛僻入峰陰香爐徑絕深雲光描幻景山色印真心嫩草芳相映喬松靜自吟夕陽不待我先下虎溪濤

西林朝起吟而寄友

朝來無一事披氅立西林坐久寒雲盡窓開落葉深尚聞故國亂遂欲大峨尋寄語同袍友請爲蜀道吟

步西林寺外二首

僧家論真素爭羨永禪師翠谷一以憩清風耿所思菴荒虎跡出塔敗鶴巢危惆悵西林路藤蘿礙接離

其二

洗鉢焚香罷言尋溪上芹初橫飛谷日一抹妬羅雲薜荔緣崖合桃花厭水分練心方外久漸漸減知聞

過顧隱君西門故宅

白雲集 卷之二
蓬門遙一望老淚卽雙垂芳草含殘雨枯楊惹晚
颼殘書已化蠹賢女久爲尼不但山陽笛西州過
卽悲

江村寫懷

海近潮方盛江村泊浪中柳烟招暑鳥梅雨弄薰
風賦分朝三慣遑憂夏五窮僧牛如可度日日坐
墻東

初夏卽事

卽此陰晴混安能暑濕宜山何將出雨海又遠來
颼看竹聊蠲疾開罇或去癡右文正當代薄俗諱
言詩

往醉石道中

薰風尚春色不見白雲荒學挂猿兒嫩習飛鷁嘴
黃苔生如錦繡籟至死笙簧萬古匡山景無過醉
石傍

下匡廬自星子出遊夜郎卽呼三老發舟賦
以發興

夜郎動興况星子別門徒筇試五丁道書探二酉

厨春風雲夢酒曉日洞庭湖三老水程熟郵籤請報吾

秋夜宿平川飛來佛手圓通閣四首

卽此飛來閣何殊十二樓平臨九道月領略萬峰秋簷敞天如覆宵涼斗盡浮夢醒雲路上笙鶴尚遨遊

其二

池近青門口山盤綠野中方看北斗近遂覺四天空亮有平川月涼生閶闔風未能雲外去一宿梵

王宮

其三

方臨幽臥處偏訝往來稀何故鐘常去有時佛亦飛開窓華漢近捲幔遠山歸世外清秋夜吾生興不違此寺鐘佛俱能飛故云

其四

萬年寺裏靜白髮與誰親貝葉探西學闌干墜北辰坐來沈畫角飛處見冰輪一笑還支枕聊爲夢裏人

白雲集
卷之二
一悟

一悟偕來衆能無負此生因之退煩惱先已謝將
迎月色登秋白峰容入夜清先師曾啓我華髮愧
無成

送友還楚

作客不宜久遂同鴻鴈翔驪歌淮甸起客路楚天
長江漲荻苗水魚肥桑梓鄉倚門懸望切遙識老
萊裳

送友還鄉

酒盡君帆挂好風不可當那堪春草綠一變水雲
長雨散容猶黑日斜脚已黃還家正上巳明媚滿
江鄉

晚泊

前途不易辨遂泊古堤傍水繞廬居曲江銜梅柳
長溪雲低漸白海日倒初黃沽酒將寒盪明朝問
歷陽

借寓朱雀門外姚太守棲鳳閣二首

太守溫如玉相依更寄居草堂多典籍花榭艷郊

白雲集 卷之二
墟航直浮朱雀淮深躍白魚衰年逢勝景肯令酒
盃疎

其二

縱使居難定何期地正閒堂環千樹橋雲煖六朝
山聽鳥窓堪倚賒罇月正還自憐飄泊久且住且
開顏

西山洪崖道中

前輩所深遯幽深未易言風光如石紐春景顯桃
源鶯選蒼芳樹人安生長村青蚨尚半百隨處倒
芳罇

遊洪崖紫清宮二首

峯至千盤頂蘿垂萬壑陰方知仙子住別有野雲
深洞口霞爲珮花前玉作岑涼風杯上滿吾醉欲
披襟

其二

石瀨浮丹井林臯問白驪千年飛羽客一觀挂烟
蘿竹露沾衣翠松風似瑟和分明雲霧裏時有採
芝歌

西山五精道中

地至幽沈處林清雲亦清閒猿經樹掛馴鹿雜人行山疊千層翠泉分百道聲欲除雙鬢雪多采太陽精

居南浦時送內尋比丘尼妙淨

南浦揚孤棹西山照兩瞳知君籠素手未曉度晴虹雲母泉邊碓水仙花外風峰陽昭德觀瞻拜李騰空

西山聖祥廢寺

地從有劫後轉眼換幽尋躍澗雙神虎啼林多恠禽香臺存敗址廢磬帶黃金莫問開山跡愁雲白日陰

鏡中

鏡中雙鬢雪相見更相憐偃蹇居牛後敲推敢馬前一家寒露葉萬事暮秋蟬開口不曾笑人間八九年

宿西山山下江亭

爲客頭空白尋秋眼忽青扶筇過野徑散髮坐江

白雲集 卷之二
亭夜有西山月池浮北斗星梧桐和天籟欹枕正
堪聽

宿西山人家歸而歎羨

猶記昨宵宿茆堂尚未昏平堤千仞木流水數家
村犬吠峰雲冷雞鳴樹日溫眼中稀有此別是一
乾坤

西山初冬

衆芳何不見天地首冬來谿澗工消歇霜風善剪
裁却增松鬣秀忽報栗皴開路缺洪崖飯療饑續

芋魁

皴側尤切
見集韻

南浦驛前小樓夜坐

樓頭夜未央兀坐一藜牀檻列星辰淡天隨章貢
長風高飄盡角露早濕荷裳卽僱江東棹明朝下
馬當

江上小樓與王山人小酌分得秋字

樹樹應殘秋淒然共倚樓江將朔氣入天逐淡雲
流我愧陳登臥君同王粲遊桃花雖美酒其色亦
添愁

泊徐孺子墳下

削有木蘭棹崩濤不我親晚停南浦驛先與徐墳
隣每讀高士傳知為千載人清風二鼓後南斗挂
秋旻

訪靈山白雲巖養公

支遁幽棲處蒼然萬壑陰石開容佛閣簾捲出仙
林求道一惟靜買山不厭深白雲標谷口玄度易
相尋

白雲集卷之二

白雲集卷三目錄

五言律詩一百六首

白雲巖晚歸 送南公還山 避暑

暑夜 寄怡公 仲夏

宿故人宅 我聞 僧舍題壁

小除日對雪 冬日雙林寺 登幽谷山

法藥寺 阻風 宿雙溪舖

過五里龍 自白下歸 弋陽谿

寄劉志孚 南浦道中 過空公山院

寄崔隱君

自嘲 二首

坐久

携妻子

他適 四首

望廬山

過彭澤縣

開蓬

路過長風沙

江行過長風

遊白笥陂

元旦試筆

哭徐君

過洪澤湖

暮泊龜山 二首

泊盱眙

夜渡淮泗

濠州

過羅別駕飲 二首 寓迎祥觀

過細陽縣

淮泗秋夜

過陳州

穎上

客中憶友

過八里梨

宿懷空精舍

暮過汝陰

秋夜舟中

夜泊艾亭

泊固陵

望壽春

正陽還途

別王鳳陵

秋日過正陽

立夏

登山峰成咏

青溪九曲

野行

書事 二首

送張頭陀

春間 二首

閉柴關

吳淞

海上

宿張涇廟

還劉家河

泊劉家河

過婁東

婁東

泖湖

登樓

訪胡居士

般若寺 一首

何處難忘酒

四首

與太守宿

宿觀音堂

一首

春至東

雪後歲旦

集竹林

花朝

谿上

入宅

雨絕

雨夜留客

宿王隱者家

招王懷冶

雪後

郊原

秋後

春暮

夢燕子磯

白雲集卷之三

五言律詩一百六首

白雲巖晚歸道中

莆陽陳

昂爾瞻著

同邑宋

珏比玉校

一得高僧論歸途落日中鳩筇迎霽月漁笛喚涼
風是象漸欲暝有生能不空迷心如可悟身世付
秋蓬

江上送僧南公還五臺山

白雲集 卷之三
相見卽相別豈因彭蠡寒以予荷蕢易知爾離山
難夢後三乘法身先百尺竿五臺雲間濶煩一問
平安

尋五桂山避暑

燒春未易沾酷暑應思避散髮入幽林解衣挂空
翠花間鳥語添山頂鐘聲墜消受冰谿風徐徐涼
夢寐

暑夜與葛九惟善步信州浮橋

與子立河麋于時暑漸歇一鳴峯杪鐘遂見沙頭
月村火射偏紅螢燈飛欲沒安得緒風凉凉風吹
濯髮

將歸九江寄白雲怡公

日前會大朗坐爾白雲窓舌有青蓮並門成甘露
雙途從迷後指心自別來降書報靈山頂子歸九
派江

仲夏

律以蕤賓應何疑鳴白頭觀物化朱槿感吾
生流落未聞道纖毫不取名敢隨河朔會走簡罷

白雲集 卷之三
修盟

宿故人宅

相對清言久更深且罷休香烟引臥內月色在床頭
天氣如清晝峯陰已暮秋恬然終夜寐可見是
滄洲

我聞

我聞田何氏年老且家貧茆屋一間破蒿牀三足
陳往耕須用舌去樂不緇身光岳既分後賢哉尚
志人

過萬山中僧舍題壁

山至萬重裏僧廬可謂清黃金諸佛坐白雪老猿
行潭印天中色松吟世外聲行童畏閒殺午把野
雲耕

小除日舟中對雪

雪花飄更亂寒減燭花紅獨客殘年後孤舟斷岸
東有生純苦海垂老尚飄蓬愛我無如酒盃中覆
且空

冬日雙林寺

時余家于豫章

可見無人境。門前與世分。鐘聲停半壑。水面湛孤
雲。宿火灰中焰。鄰春雨外勤。豫章二百里。消息不
相聞。

從雙林寺登幽谷山

千仞方匡坐。相逢分外奇。喬松如老叟。翠岫列佳
兒。孤嘯飛爲籟。雙林會論詩。可憐烟火裏。人世夕
陽時。

坐法藥寺樓

樓居固所好。安可對斜陽。天外連芳草。雲邊望故
鄉。雙星分四野。一鴈應初霜。滿目蘋風起。扁舟意
敢忘。

阻風三晝夜

三夜康湖左。三朝康廟東。狂濤欺小艇。斷渚侶孤
鴻。乞火將安覓。探囊久覺空。古來不遇客。多困石
尤風。

宿雙溪舖

不有雙溪宿。能知孤客情。山川沈月色。天地變秋
聲。華髮明殘燭。疎星滯五更。出門純鳥道。肯信馬

白雲集
卷之三
四
蹄輕

過五里龍

登頓雲相逐徘徊日欲低山高鴻避影石峻馬穿
蹄路已孤村外身猶五嶺西途窮笑長劍何故吐
虹霓

暮春自白下歸依豫章宗室留別林世典廷

尉

二聯俱典雅

衰老如枚叔淹留愧仲宣且依宗國住聊稅豫章
田棘寺辭知己花朝問去船東風指彭蠡回首悵

風烟

弋陽谿

繞徧垂楊徑行殘曲水堤月光波面晃樹影鏡中
齊雲斷飛多白杓移指更西秋蓬似身世惟賴弋
陽谿

寄劉十五志孚二首

豫章泣別後君去我遷居魚腹朝幾葬鶉衣世共
疎累年無信息末路兩何如生死交情在懷深月
滿廬

齊字佳

其二

何以度歲寒知君興况寬栽花編次第愛竹報平安
同社悲多故看雲遂不歡青山易相妬珍重在
加餐

東還南浦落日道中

雖見歸雲白其如落日黃乳鴉喧古木饑獺坐空
梁時序何蕭索烟嵐漸渺茫漁歌終有意興况指
家鄉

與許處士同過故空公山院

昔與許玄度同心事法師一朝解蛻後滿地落花
時苔路從風掃松門為雨欹不堪舊行者相送出
山籬

全篇凄婉

寄崔隱君

作在上餘二字

自慕青雲志來安滄海居鶯花委市上蝦菜度春
餘水石多交誼鱗鴻少寄書不知崔亭伯吟興近
何如

羈旅無聊自嘲二首

世態久方見人生已浪過長鳴師蜀帝善淚學湘

白雲集 卷之三
娥雨掩春山重江埋宿霧多紫貂裘敝盡季子不
歸何

其二

拙在不能養愁稀反自尋窮如關鬼使命敢怨書
淫落日沈山影空村寂鳥音長途鞭老馬三歎世
斯今

坐久

一生既錯料萬事遂飄零妻子動相謫詩書竟不
靈哀哀何處鴈脉脉隔溪螢坐久西風急寒天尚

未青

自豫章攜妻負子尋舟他適賦四首

庚癸呼難至甲之鼃以行淡雲黃葉路秋水白沙
城竹栢心先異茆絲性各成依人今反誤深悔不
如耕

其二

秋暮緒風急江干發棹初長灘聒夜月急雨虐芙
蕖淺渚多鳴鴈幽潭少躍魚中原雲脉脉焉至又
焉如

白雲集 卷之三
其三 簾

夜恹如年永衷腸九運時
雞寒催曉早砧亂覺秋
遲細雨何相注西風忒殺
吹長途貧且病七日命
如絲

其四

克幃蘇糞壤萬事不須悲
雞鶩迎陽早鳳凰在笈
遲索茆先自卜擣玉急爲
炊歸頗枚乘似頭顱霜
雪時

揚瀾挂帆望廬山有所思

一葦何爲縱吾心有所如
帆開迎左蠡柁轉見匡
廬峰愛九奇頂泉思三疊
餘每疑雲霧裏定有異
人居

過彭澤縣

杪巔環雉堞間井寂無喧
水鳥隨人吏山巒夾縣
門鼉聲先徹署漁火半成
村妙絕前朝令風流不
可言

開篷

開篷盡秋色豈但一丹楓
雲白雙江水烟青萬里

空川禽拋遠浪陵鯉叫西風却笑予鬚髮霜來染
更工

路過長風沙

長風沙上道風散白雲封灌木藏孤館晴谿佩亂
峰勞耕秋尚偶樵採午多慵悶殺子規鳥衰年客
路逢

江行過長風沙

皖口沛流下滄江折數灣鳴舷來楚曲對岸見吳
山鴻混殘霞色波開返照顏長風沙漸暝漁釣幾

家閒

暮遊秋浦白筍陂

海月如明鏡飛來白筍陂水分鱗介影竹蘸鳳凰
枝雪刺山陰夜查騰天漢時峰巒吾自選相對坐
題詩

元旦試筆

方遇月臨端應營耳目觀翁朝初朔旦兒進五辛
盤庶彙兵矛出東風琴瑟彈白頭逢盛世春色滿
吟壇

白雲集 卷之三
哭徐君

皇天埋白玉腸斷忽然聞雙淚自知已八方誰似
君青年遽遇鵬彩筆舊凌雲遠背延平劍朝來特
挂墳

過洪澤湖

晚挂洪澤帆中央風忽改急水鬪黃河微烟裊滄
海秋高葉亂飛湖寬魚自在且向龜山灣溪頭尋
蘭蒨

暮泊盱眙龜山二首

八月過洪澤湖寬棹若閒秋聲團鴈陣潭影倒龜
山北海橫重霧西村落一丸李湯引鎖處踪跡細
躋攀

其二

不見巫支祈徘徊神禹碑丹青彫古殿苔蘚上枯
枝佛子鳴鐘後漁翁釣月時碧山三兩點湖曲一
支頤

泊盱眙

殘秋何處泊孤驛與舟聯紅見淮南樹青浮海上

白雲集 卷之三
烟晚潮侵古岸寒月朗遙天恠有家鄉夢殘燈色
慘然

夜渡淮泗

雖辨芰荷香難分淮泗鄉望燈經旅店挂緯爲漁
梁滄海潮初白小山桂未黃寒風先澤國商賈擁
衣裳

濠州道中

清晨迷野渡春水正茫然淮泗如浮地荆塗欲攬
天風花林外舞客夢馬頭圓匹鳥能高舉雲端故
不旋

過潁州羅別駕以舊好送寓迎祥觀日赴別
駕署飲醉歸賦二首

一觀風恬後悠然習靜扉文心驚技小武火惜燃
微神會陶弘景耳聞丁令威焚香無一事寒擁混
元衣觀中有張真人
混元衣一件

其二

署裏勸酬暮言旋月滿局松風筇正到花徑屐初
經地主情何厚山翁醉不醒經旬多閉戶支枕是

黃庭

寓迎祥觀羅國文別駕送青錢美酒醬菜賦
其以紀事

久寓迎祥觀衰年得御冬州中來旨蓄杖上給從
容綠蟻香先透黃庭玩正重飛冲吾豈敢文思或
雕龍

過細陽縣雨中

流落人間久三春雨裏遭污泥薪若桂逆旅日如
年海嶽誰家盡林鶯何處絃方知書滿腹不若一

囊錢

淮泗秋夜

三鼓過淮泗星河度鴈羣木喬風易惹秋暮峽多
聞滄海浮新月寒潮湧白雲梵鐘何處動大抵夜
將分

過陳州宿小菴

一雨荒精舍孤吟見早霜禽寒移密樹螢濕定踈
篁入洛空攜賦過陳易絕糧不眠數更點二十五
聲長

白雲集 卷之三
三
穎上

三月洛西路天陰正淖泥深林迷落日疲馬渡長
谿處處蒿藏屋村村水拍堤所嗟行漸北不見鷓
鴒啼

客中秋日憶友

光景好

鴻鴈來方急時光已暮秋溪楓丹兩岸山雨暗孤
舟楚水自蕭索蕪城誰釣遊斜陽千里外一片淡
雲浮

過八里塚

淮天不多雨易散白雲岑夕靄生河曲薰風開穎
陰柳嬌掀翠羽麥秀吐黃金八里塚邊路鶯聲和
一林

宿懷空精舍

絕愛無遮地來依有限陰巢幽成鳥夢池靜暢蛙
吟苔上松黃淺林中竹粉深焚香匡坐後心似老
僧心

秋日暮過汝陰

孤客南歸路驅車過汝陰西風千里黍落日一聲

禽水逝夜不舍天空霧易侵離家久無信旅宿畏
秋砧

秋夜舟中正陽

此水之玄似舟行相見灣秋濤寒白日霜葉暮秋
山澗口河猶鬪淮南桂未攀妻孥天以外夜夜夢
相關

夜泊艾亭望汝陰

不辨艾亭色安能辨汝陰潭空星欲繫壑靜夜如
沈水氣凝寒露秋聲聚遠砧明朝州裏去馬度白

雲岑

泊固陵

東淩切

固陵分夜後泊處露秋光喬木支斜月孤舟受早
霜鐘鳴青靄動鷗宿白雲藏此地情無盡於子水

木鄉

子先世
固始人

望壽春

前舟渺渺歌風外一相答淮甸水爲鄉壽春山若
闐鳴鐘生遠烟沽酒得新臈倚墻問前村昂然白
石塔

正陽還途

勻稱

未雪行宜緩垂鞭信馬還一經汴河口遂見壽春
山沙鴈迎初日村醪轉壯顏古來諸勝景多在水
雲間

汝陰別固陵王鳳陵

高妙欲逼青蓮

穎谷殘秋後辭君欲俶裝關山畏分首桑梓况同
鄉水榭曾依玉山風共舉觴不堪明月路騎馬去
襄陽

秋八月晦日過正陽

葉葉黃辭樹風中舞肯休馬憐殘月晦客厭正陽
秋被冷侵池急村昏背日稠鄉書題紙盡未竟別
離愁

立夏日

巧雋

春令移為夏條風遂布薰江梅黃釀雨山溜白如
雲鬪雀鳴方去游絲墜始分追思童冠日正結舞
雩羣

朝登山峰率爾成咏

筇為老夫興登峰勝夙期泉奔雷壑谷花落雨陂

白雲集 卷之三
池南結雲成蓋東來日正規一聲黃鳥響大半是
催詩

春暮小舟自秦淮穿青溪九曲而歸 襍

有信潮方盛無寒風不顛醉來桃葉渡慢拽木蘭
船山列青於黛楊花白似綿溪長經九曲坐玩養
花天

沿溪野行

野行入谷口山近翠應微石澗雲方去山梁瀑正
飛牛頭孤寺見鳥道一僧歸曲曲秋溪碧溪深有

釣磯

書事二首 率之

有生在人世勇往亦宜躬獨解葛藤後應離火宅
中一朝明妙悟千載見真空揮手清虛境古人與
我同

其二

却愛匡山路乾坤烟景餘左逢陶令石右有遠公
廬柳色青當戶蓮香白滿渠風流在後死垂老一
樵漁

白雲集 卷之三
送張頭陀遊南海

斗柄方南指，吾師南問途。
林棲藉樹否，杯渡仗風無。
夷島迷堪引，橋帘渴可沽。
羅浮峰頂月，亦不異蓬壺。

閑居春閒二首

世爲滄海客，安有野鷗嗔。
開戶來新月，留花答暮春。
青山歌送鳥，白眼醉看人。
此外生涯事，君其問水濱。

其二

春水倚天長，春雲入徑香。
梨花銜燕子，荇帶戲鴛鴦。
白苧朝初試，清言世易忘。
冠纓如可濯，一笑過滄浪。

閑柴關

李峴

江漢未歸客，風霜欲悴顏。
吟詩送落日，沽酒答遙山。
涉世將安往，空囊豈易還。
湖心墮片月，苟且閉柴關。

吳淞進艇

全篇似李

江漢朝宗處，東風挂席初。
雲間孤島立，波靜遠天

妙在如字

白雲集 卷之三
如八月何無鴈三神定有廬老夫只早晚十二畫
樓居

海上

菰蒲行忽斷天水共澄清月出如珠躍波翻似雪
明開窓迎海色欹枕聽潮聲從此乘桴去還予遺
世情

自舟假宿張涇廟

一宿安能寐茆堂四壁斜晚潮寒短褐夜雨響兼
葭土偶明孤燭邊風動遠笳滄溟留滯者安得挂

星槎

自吳淞還劉家河

五湖聚滙處日入見天虛伐鼓辨春訊鳴榔誇夜
漁燈前搖柳葉風外馥芙蓉漸有浮家者沙頭明
月初

泊劉家河

澤國將窮處孤舟淒以涼颶風吹浪立霖雨注梅
黃年髮愁中換家山夢裏蒼斯時縮地好未學費
長房

白雲集 卷之三
過婁東

衛涇濤浪湧帆飽過婁東
夫惹熟梅雨潮生黃雀
風緣菰穿曲浦沽酒看垂虹
鷗喜忘機者何殊海
上翁

婁東

婁東將近海清淺半桑田
始旦潮微活回灘艇尚
牽風微多撒網寒側再裝綿
處處飄青幔探囊數
酒錢

過泖湖

早時一陣雨三泖艷秋容
紅現林巔寺青浮海上
峰光能迷翡翠色欲醉芙蓉
頗有題詩興斜陽尚
未慵

登樓

登樓吾所好况復見姑胥
新水平橋際春山結社
初別來雲縹緲老去道何如
聞有峩眉興高風繼
接輿

訪胡居士不遇

久別胡居士遙尋路不差
半籬將刺揭日午望何

白雲集 卷之三 九
遐忽聽報春鳥能非去採茶山深雲易聚坐久夕
陽斜

天王峰般若寺二首

峰若天王列先於佛地恭颺長吟貝葉露潤綻芙
蓉曉瀑胡然曲秋林何彼穠憑闌玩霄漢忽落一
聲鐘

其二

聖駕遙能至神僧去不還林誇黃鳥叫山許白雲
閒賜有談經帳罇留托鉢山寒泉如水玉流破石

苔斑

和白樂天何處難忘酒四首 有引

余萬里外徹骨一貧臥痾終歲忽逢故舊
之談昔偶向河橋之送人當斯時也情如
之何遂倣白樂天先生何處難忘酒詩和
以遣情以人生遇斯時真不可無酒也

何處難忘酒衰羸履曳霜三年逢旱魃一旦近溝
隍居衛襟空捉依劉貌不揚此時無一盞未免太
悲傷

其二

何處難忘酒病沈不自由爐鎗同伏臘枕簟度春
秋賒藥精纔合聞方驗始求此時無一盞悶極淚
雙流

其三

何處難忘酒他鄉話別餘青雲俱坎壈白首未陶
漁蝸角爭堪笑牛毛得尚虛此時無一盞相對更
欷歔

其四

何處難忘酒飄零送別顏河梁分客路風雨唱陽
關割捨芝蘭友東西瘴癘山此時無一盞容易斷
腸還

與姚太守宿三山別業

滿堤秋色後不但橘純黃林露青山宅星明綠野
堂鐘聲穿曲徑月影漏疎篁共有滄洲趣清言夜
未央

宿姚江觀音堂二首

不到有虞國能知大士堂風來山海爽身受水雲

白雲集 卷之三
涼竹紫風前淨蓮青分外香夢迴過夜半霄漢正
飛揚

其二

夜色真如洗人間睡已沈伊蘭燃靜室海月見禪
心萬事過於水孤雲半在衾龍山風忽過落下梵
鐘音

春至

望春一何切至矣望春盃煖愛新陽入寒辭舊臘
回君庚林已響菜甲土能催定有幾番醉梅花早

始開

雪後歲旦

江村雪固大開戶爲迎寅萬事雞司旦殘生鳥戀
晨無盃不向幼有勝且宜春潦倒支離後嫣然笑
此身

集竹林得林字

美人素好客藜杖遂過尋露徑斟瓊友山泉和玉
琴鶯黃翔曉谷雲白下秋岑六七八公皆達風流滿
竹林

花朝

一臥春將老。痾沈思自焦。檢方搜藥裹。伏枕度花朝。
朝樹影翻淒。切鶯聲伴寂。寥江山多勝事。付與玉
驄驕。

谿上陪隣翁泛舟

不有神仙出。安能稱勝遊。波光搖宇宙。花氣醉鳧鷗。
鷗鏡裏魚爭躍。盃中山正流。少焉明月上。高興看
滄洲。

入宅

畢竟貧趨苟。移來屋亦斜。到床眠易魘。近廟說多
邪。未作蔚藍客。有如楊白花。居茲何不可。春茗况
抽芽。

雨絕

天上雨旣絕。長筇出戶閒。崖傾泉頗亂。地濕蘚多
斑。酒旆垂何直。溪沙漲不灣。燕銜春色去。一片夕
陽山。

雨夜留客分得天字

小屋雖云破。開窓聽雨先。沛然芳翠灑。響自顛蒼

宣酒趁微寒飲床移不漏眠友朋難邂逅明日各
江天

宿王隱者家

暮色到蘭皋秋聲起瀑濤一籬黃葉落滿壑白雲
韜談似東方朔貧同北郭騷過逢愁日短剪燭話
蓬蒿

新住雞籠山下招王懷冶飲酒

可見雞山僻經旬閉短籬步庭惟臘樹枕石到寒
颼一自素交遠遂無白首知勞君耐相訪釀酒熟

斯時

雪後

雪後南游楚江天日載陽條風吹萬象花氣滿三
湘貌已渥丹換情猶采綠長扁舟行且泊醉臥洞
庭汪

郊原

郊原方落日千里轉玲瓏小阜浮波上遙天覆鏡
中葑田齊晚稻甍社下新鴻誰染淮南景秋汀蓼
盡紅

秋後

與秋相淡泊心亦遂無成
露至同蟬飲雲開得月
明亂飛江漢葉便老洞庭
橙一枕西風起應多白
髮生

客中春暮

不見春和候開門失翠微
鶯聲悲凍在花氣怨春
稀地遠誰修禊山深未試衣
故園憐久別合眼即
能歸

初冬夢燕子磯

霜來風遂慘西谷凍殘暉
漢水魚將聚洞庭柑漸
肥他鄉愁易結寒夜夢先歸
稍待江平穩舟尋燕
子磯

白雲集卷之三

白雲集卷四目錄

五言律詩一百二十三首

朝二首

露寒

歲暮

薰風

撫松有感

秦淮溪上

答志上人

飯後

夢入蜀

陳徵君至

小至

宿祝禧寺

俞參軍對酌

二首

歲暮書所見

夜三首

旅宿

病起二首

宿南村

題朱山人居

山行冒雨

與客對酌

海上卽事

送黃丈雨

田處士新居

甘露寺 四首

北固 二首

秋月潭夜歸 二首

胡山人不至

秋夜 五首

懷繡林 二首

甘蔗洲 三首

宿峰頭

挂帆

秋日書事

立秋夜作

江村日暮

安州雪中 三首 歸長干

洲園

天禧寺山院 二首 邦溝

南徐書事

對雪書事

歸南山

沈逸人故居

遣懷

少出

阻風

晚行

病起

舟行

成上人湖閣

錦石齋

過東隣

書恨

舍北

生子

貞上人精舍

黃山早行

歸舟寄友

友人園池

宿山中

贈漁丈人

客至

江村雨晴

鄭君山居

送李君

四鼓急明發

見堤柳

上巳

懷陀隱君

趙君過谿相訪

溪上茆屋 二首

還鳳皇里

游山口占

紀興 無遮上人 望臨沂

寄李先生 贈葉秀才 春日東郊

郊行 山寺 早行到家

入寺 輕舸 劍贈友人

春雪 四首 秋日山行 二首 宿金山 四首

夏 三首 登江上樓 宿清流關

題卓處士居 落暉

白雲集卷之四

蒲陽陳 昂爾瞻著

同邑宋 珏比玉校

五言律詩一百二十三首

朝二首

夢醒孤筇在朝來四壁空枯魚懸欲斷老馬困無
終鶴髮絲絲雪鶉衣片片風自天奪吾友道遂入

奇窮 吾友謂馬用昭也

其二

白雲集 卷之四
茆屋朝難出寒生事事哀籬傾風有祟薪盡火無
煤駛雪一何甚歸嵐慘不開夜深天亦憤破柱數
聲雷

露寒感事

露寒秋已晚安有不爲霜鴉亂鳴枯木城孤閉夕
陽凍雲偏聚集缺月失輝光所幸敲砧少令人免
斷腸

歲暮

皖川寒夜泊無恠遠鐘沈濤浪撞孤艇霜風透薄
衾還家空有夢卒歲愧無金明日如臨鏡髭髯白
更深

薰風有感

韶律堂堂去薰風故故來方看野繭就忽報海榴
開歲月飛更代煙霞費剪裁向平猶未去五嶽夢
中催

撫松有感寄張無忌時無忌自漢口往屠汝
南

松變蒼髯叟撫之歛且歛燒丹余不就種杏爾何

白雲集 卷之四
如聞策周南馬空思漢口魚草堂方少別屈指十
年餘

秦淮溪上

一水澶洄下長岡坦迤行風開七里霧雲遶萬家
城麥熟如金吐田境以鐵耕柳陰吟易就相助有
鶯聲

答志上人

水湄雖養拙終日閉柴荆正抱馬卿病未隨禽慶
行瑤華一以寄藜杖漸能擎明日旦如梳洗相遇聽

曉鶯

飯後

伊余雖少事飯後亦躋攀花放重崖上泉流萬石
間雲來方共臥鳥叫却相關人世不臨處蒼然一
片山

夢入蜀

全似少陵

夢刺夷陵艇千峰仰面看雲開神女廟浪湧使君
灘赤甲猿聲廣黃陵水氣寒自余涉世後蜀道不
爲難

陳徵君至

數時風雨惡，倒塌草玄亭。山簡來敲戶，林霞卽作屏。
屏開罇延日落秣，馬欲車停且坐。且談論峰巒，一
派青

小至

天涯除客子，何者尚飄蓬。逢病待微陽，起詩憐小至。
窮峯陰分鬼火，溪北斷流筒。悶坐梅花下，吹來釀
雪風

宿祝禧寺

不到只三霜，重來景盡忘。心門煩青嶂，鎖寺入白雲。
藏風月清禪梵，伊檀吐佛香。去城纔十里，天地卽
蒼涼

俞參軍北轉中府同過白馬湖對酌二首

得侍登僊客，况逢載酒舟。一帆飛彩鷁，兩岸快華
騮。影惹淮山近，芳迎杜若浮。催詩何處雨，正起海
東頭

其二

白馬晴湖上，東風送早涼。雲霞多變幻，天地入汪

白雲集 卷之四 四
洋漁艇華顛叟菱歌遊冶郎飄飄水上荇牽動睡
鴛鴦

歲暮書所見

老蒼到此際無意作冬天山凍顏先活冰懸腹不
堅雪飛勾細雨春近逼殘年若與梅花隔斯愁未
坦然

夜三首

客似倦飛鳥逢林卽宿林三更殘雨冷孤館一燈
陰道遠添貧病朋踈費歎吟無端東海角濡滯到
而今

其二

此夜月全晦行行尚滯吳長天量海岸片雨較菰
蒲燈下羞看劍人間歎好竿同袍又同調別去淚
痕枯

其三

涼颼方可愛何故與涼仇鳥叫殘更月鶉懸一片
秋丹楓明野水白首寄孤舟萬事貧無策悲來擲
蒯緱

旅宿

旅宿黃昏後孤燈照寂寥江山餘一老歲月已三朝
小屋風何急長途雪頗饒故園歸夢耿誰作楚詞招

病起三首

病起方梳髮方知髮不鬆藥殘蛛已網酥敗蟻先封
屐試下堂步杯回在鏡容見梅應退遜難竝傲寒冬

其二

餘息尚未盡朝來且卷舒藥從加減効病信淺深
除風月供禽戲壺觴許燕胥天於霜雪後尚活半枯樗

其三

豈曰沒吾寧餘生順以承谿山餘大雪天地一枯藤
掃室如新僕焚香類老僧古今總晝夜聊寢復聊興

夜宿南村

脫葉舞何輕寒鳥宿又鳴月沈山黯淡鐘動夜淒淒

清秋若非蕭索腸能遽苦縈三家村裏臥未易得
雞聲

題朱山人居

環水兩三屋依山第一村鋤雲乘土潤把釣就溪
渾林茂篁添穉欄開犢得孫無人來問字成就閉
柴門

七月十六日山行赴招半道冒大雨而歸口

占登草

星月照地

朝答山中約那知半道回照泥星有準洗鉢雨偏

來池葉沈難起山花濕懶開黃昏策扶老幾度滑
蒼苔

海上暮夜與客對酌

雨意竟虛無天低水墨圖嘗新烹海品感舊藉村
沾山色偏豐越潮聲半聒吳非君來共酌空對月
輪孤

海上城卽事

孤燭天涯夕三家海上城秋深潮易聒夜靜月尤
明浦遠沈漁唱風高亂角聲白頭於越路無限鹿

門情

送黃丈往汝南

攜有椒花雨餞當楊柳天橋頭方泣別馬首正芊
綿醉玩夕陽路行逢楊柳烟汝南多故事到日拜
先賢

題田處士新居

積有青青草編爲小小居老年逃市井生事就樵
漁說劍星仍寡開罇山頗餘只因頻讀易胸次透
盈虛

夜到甘露寺宿僧房四首

斯時到上方旣到宿僧房雲納千峰晦松招一榻
涼鐘聲收浩蕩海月吐微茫童子炊何急山城倒
夕陽

其二

未論山安倚廬先倚次寥一燈明海島片月動江
潮石意雲相得松簧鳥共調老僧多慷慨興廢說
前朝

其三

白雲集 卷之四
雨罷秋先到風高雲漸刪驚禽移蔭翳乳犬吠潺
湲天自虛無裏星猶旋繞間舳艫銜尾至帆影落
柴關

其四

晴暄吟易似夜景晝難形海晦龜鼉窟風涼烟靄
亭洞簫吹宇亮貝葉照燈青枕上遽然覺江潮側
耳聽

北固山卽事

東海朝挂帆北固夕晞髮秋水瑩於珪寒峰頓若
笏蕪平雲外浮村亂江心突獨立千仞巔松風引

新月

甘露寺步秋月潭夜深歸峰頂半峰菴僧房

二首

秋月潭將暝扶筇安適從偶隨歸嶺鳥遂遇隔谿
鐘徑密強千轉崖高過百重上方更盡到漸漸自
雲封

其二

身世江天表巖扉遂不扃人間傳夜雨枕上對春

白雲集 卷之四 九
星風靜松濤細潮來海氣青今宵蓬島宿坐玩水
雲屏

其二
北固秋月潭待胡山人不至

北固山雖好潭尤秋月先望迷佳客遠坐墜夕陽
圓露色粧珠翠鶯聲學管絃相思不易說風冷負
觥船

秋夜五首

城市戴龜後隣堂解夏無雨師來洗鉢風俗尚蒸
壺砧響將宵應蝸鳴與露符朝餐且分減瓦上施
慈烏

其二

微風搖弱草箇箇受涼欣南呂金從律西郊玉布
雲霜先催鴈至社後報秋分疆畝黃何艷令人喜
見聞

其三

片雲多不雨天際半淪陰萬物漸成寶二秋却勝
金季倫風有準元亮菊堪簪清矣山川景長吟又
短吟

其四

樹葉刁刁曉山間色色秋雨餘花再錦露重橘垂
旒鬪雀翻成散鳴蜚徙轉幽小谿明似鏡誇我雪
盈頭

其五

秋江偏有趣所以傍蘆花澄徹分鱗介徘徊數石
沙高峰眉落日征鳥背歸霞風景今平世汀洲聚
釣家

懷繡林江北居止二首

花木動依稀煙霞易渴饑漁曾雲夢藪舍在繡林
磯一自旅歸隔堪悲歲月違惜哉間且濶回首思
應飛

其二

崖巔茆作屋雲杪槿爲籬黃鳥啼如慘青山怨可
知嚴霜林盡殺寒月案初規那有多年別淒涼不
自悲

曉行甘蔗洲

明發尚未發行行甘蔗洲虛嵐吞曠野新漲失晴

丘林密杉先贅根盤楠易留濯枝猶有雨天氣漸
登秋

暑夜宿峰頭精舍

六月峰頭舍何殊坐太虛松涼疑雨後山靜若秋
初瀑濺珠相似雲歸玉不如炎蒸難到處此夜却
蘇子

挂帆

挂帆雨霽後風亦息顛狂去鳥衝烟白歸雲壓日
黃闌憑懸楚岫柁轉失潯陽九派滔滔急朝宗意

頗長

秋日書事

秋來蘇肺氣吾道未應窮茆舍三竿日芙蓉一葉
風兒誇擒菊虎妻指叫桃蟲稍待殘炎去臨溪下
釣筒

二十七日立秋夜作

是夜秋相見律歸夷則中草心蒙白露衣領受涼
風舞覺蜻蜓爽聲添蟋蟀工吾其先散髮作賦答
天公

江村日暮

村寂無佳色雲飛遂慘顏魚龍寂寞後星月動搖
間酒旆因風落柴扉未晚關寒鴉何作恠啼去又
啼還

安州雪中登蓮花峯贈寶珠長老三首

寒徑陟高峰斯時雪久封皚皚迷鳥道步步滑鳩
筇精舍明金像枯巖傲翠松一僧年九十兀坐不
知冬

其二

風力將山拔林威若劔稜鬼行埋積雪猿躍礙懸
冰却以逃禪志來尋出世僧裘單殊不畏勇往證

三乘

其三

聞公三十載雙跡絕人間內辨三空秘中分四道
還巖泉炊石火風雪掩柴關相見談難竟何須論
駐顏

歸長干作

風色蕭蕭暮衰年路渺漫鐘聲飛水寺煙氣下巖

白雲集 卷之四
巒古渡催人急春林背日寒柴扉歸自閉滿地白
雲寬

洲園卽事

索居園圃裏白露却多情禾黍堅應熟橙梨結已
成牧童牛背坐獵犬馬頭行鹿苑時將及酣眠徹
五更

過天禧寺曇興上人山院

廿年方再到遊目已先悲古寺如生路喬松多死
枝老僧歸蝶夢行者進鵬耆兀坐松風際淒然秋

暮時

郊居其二

世隔道林夜髮添玄度霜當年未及指千載空相
望惆悵埋雲塔徘徊選佛場皈依如有路洗鉢且
焚香

晚發邗溝

晚發邗溝艇夜過楊子橋半村紅野燒一望白江
潮荷葉珠堪數蘆花雪漸饒歸帆無所事乘月且
吹簫

白雲集 卷之四
南徐舟中夜書事

入夜明星斗秋濤靜印天南徐聞畫角北固發蒼
烟月在江心寺潮飛海上船孤蓬萬里客背郭對
愁眠

對雪書事憶張山人

蕭然且寂然除日及新年端坐寒侵几開門雪滿
天飛花來陋巷積素艷瑤篇不省袁安舍何能晝
夜眠其二

歲暮歸南山

南山廬尚在何故似浮萍貧病疎親友孤寒棄聖
明青陽催草木白髮愛柴荆殘臘堂堂去全無繫
戀情

尋沈逸人故居

人事一朝變茆齋雪裏關窓前寒綠竹門外瘦青
山月冷吟詩處雲留出牧間孤孫纔兩尺應慘上
天顏

遣懷

萬事既垂老安能再似初陰陽雙鳥去身世一舟

白雲集 卷之四
虛砂鼎朱難變頭顱雪未如杜康真愛我相見不
生疎

少出

少出無乃癖因之不覺非紛華歸世界天地散春
暉飛翠膠鶯坐遊絲繫燕歸楊朱岐路際南北易
沾衣

湖口阻風

風大彎淮縣飛砂且不饒篷中支凍臥釜裏剉冰
燒雪或宜時應天先許浪邀老夫與賤子信宿似

萍飄

晚行口號

蓬瀛不可到歸路又悠哉魚鳥偏爭巧溪山易積
灰綱常何日見熙皞幾時回悲憤相逢處無非是
妬才

仲春病起

幸因二豎去又與仲春隨扶杖神猶顫看山興尚
支帘高由酒美花艷豈天私排却眼前悶非詩又
在詩

舟行

舟行逢雨霧千里不相迷風靜孤烟直嵐開遠楚
齊遊魚當棹躍飛鳥過橋啼漁父歌相引聞之旋
轉西

題成已上人湖閣

成公湖上閣雖小暑開襟片月飛來坐孤雲渡始
臨蓮開盤白玉鳥叫羽黃金每每題詩客揮毫句
易尋

坐姚使君錦石齋得周字

錦石齋頭好牙籤四壁稠余方匡坐定公正著書
休香起青雲鼎茶成綠玉甌几遽談漸降亦不及
商周

過東隣王山人居

豈曰幽棲慣分明素性然栽花分四季開卷見千
年溪曲由魚泳林深任鳥眠相看多道氣朝夕聽
談玄

書恨

蝸角雖向上行道忽然枯彼既命太薄余應氣不

白雲集 卷之四
蘇頭添蓬葆亂心竟雪霜符身世今如此悲哉一
丈夫

舍北

舍北多芳草村南半白沙洪流分小派喬樹落輕
花叫嘯禽如曲差池燕豈斜城中雖萬戶此地只
三家

生余

生余人間世夫豈不猶人若少鶯花共除非天地
親六時杜預癖十倍范丹貧然亦性中事安能無

往因

夏日遊貞上人精舍

不見火雲盛却從精舍過山川居彼岸樓榭聚祥
河涼有荷香起秋生麥氣多夕陽先得我乘月坐
烟蘿

黃山早行

客心懸遠路四鼓出重關古廟神燈入虛巖鬼火
閑有烟迷白屋將雨失青山不覺涼飈起飛螢漸
漸還

白雲集 卷之四
歸舟月下寄友

萬里南歸客風前五兩鳴
荻苗沛秋水霜信急前
程流落憐妻子饑寒仗友生
遙遙天上月此夕最
關情

過友人園池

低揭棘門入居然世外籬
山方渠上立雲又鏡中
移案有來禽帖亭多棲鳳
枝牡丹纔一朵留客共
題詩

宿山中

却爲秋聲好無妨一宿停
谿光浮片月樹影款疎
星得會真如夢逢斟敢學
醒明朝攜杖去醉殺萬
峰青

贈漁丈人

漁丈厭近市新移偏且頗
不除明月路却好白雲
坡眠鳥懷中慣交隣情上
多伊余采蘭日曾聽濯
纓歌

客至

旬日臥而遊下牀日未收
暑清猶跣足客至始梳

白雲集 卷之四
頭果是三山友相逢八月秋過橋攜手去吾道在
滄洲

江村新居雨晴出步

出步鶯花景江村雨正晴巧雲懸翠巘灌木響蒼
鷓田父邀分餉鄰家來餽羹土風醇且朴雞犬亦
多情

故明府鄭君山居

明府自拋組歸來谷口家行行惟蠟屐往往爲鶯
花小犢眠耕隴輕鷗下釣沙松枝代麈尾談吐盡

烟霞

送李君下第遊秦

如君乃不第轉眼復遊秦忍賣微時劔去尋厚祿
親河橋梅雨歇山店柳風新人世能無別淒然淚
滿巾

四鼓急明發

四鼓急明發星無一點明殘春天混水未曉霧藏
城雨起雲先黑風高袂易輕飄零仍萬里垂老愧
侯羸

白雲集 卷之四
見堤柳因而發歎

却恠堤頭柳風流翡翠枝寒多粧白絮烟至織青
絲自我惟枵腹無時不皺眉逢人望顏色可是好
男兒

上巳風雨

側寒當上巳風雨兩相求柳濕先垂眼花開能到
頭朋因難往訪稷遂罷前修莫信蘭亭會春和日
色稠

寄懷陀隱君時在嶺外

南方不可居老友興偏除路指烽烟進筇隨瘴癘
胥繁愁攻髮白多病揣身虛鴈識相思色煩傳一
紙書

趙君過谿相訪兼貽營草堂貲

雪嶺澗威稜何人涉又登殷勤尋野老談笑剔寒
燈結構惟憂我攜錢若施僧看君用高義千古幾
人能

從卜肆復至溪上茆屋二首

暫輟橋頭卜來添屋上茆天寒防雨雪風暴護窠

白雲集 卷之四
巢幾日鶯猶顧多時橘已苞烟霞非市道堪作老
年交

其二

日短誰求飽年衰自畏寒困窮今北郭骯髒舊南
冠世道交先薄柴門閉卽安論情松卓絕不厭其
盤桓

暫住馬糞巷復還鳳凰里

地固愛馬糞心終傍鳳凰仰攀霄漢近俯拾竹梧
芳坐就歸雲澗鋤憐審雨堂加餐扶肺病垂老會

羲黃

遊山歸途口占

山半飛黃葉回途秋灑然禽聲留落日驢背穩衰
年寒濕纓林谷晴溪鏡水天何人吹鐵笛隨我過
前川

出戶紀興

斜陽固有限此景頗無雙瀑遠飛迎客雲低往渡
艘芳林屏古巘危石柱寒瀧何處漁歌起腔純白
雪腔

白雲集 卷之四
三
僻居無遮上人過訪

老去棲無擇諸山載我形池寒孤鶩白屋漏遠峯
青酒債賒應慣書淫治頗靈何當禪客訪風露坐
明星

登瓜步望臨沂

臨沂在何處牧子指雲晴梵宇浮金碧鍾山竦紫
清雲連幕府樹潮打石頭城六代真如夢空餘野
鳥鳴

寄李先生

先生別來况春月更相宜鳥路多成篆鶯花恰愛
詩身衰先煉木機絕不彈棋幾片門前石能非醉
傲時

贈葉秀才

壯老貧猶故斯愁不易捐賣文聊旦旦僦屋且年
年酒負今生債詩留異代緣夜長如不曉切莫怨
蒼天

春日東郊尋友對酌分得豐字

春色何方艷無如郊自東聞鶯尋舊友下馬醉新

豐剖處顏如蟻斟時氣吐虹醉深亦落帽何必九

秋中

郊行遲沈君未至

畢竟化工巧山粧畫裏妍偶來看郭外尤勝在窻
前柳引村嵐附潮衝堤腹遷美人猶未至芳草亂
長天

山寺一眺

谷牝先能俯山雄宛若飛天泉尋澗落石穴引雲
歸佛有芙蓉座僧純薜荔扉何當謝人世來此玩

靈輝

歸途早行到家

五鼓知將盡筇於出戶飛曉星猶送客秋露即生
衣霧裏無樵出天涯有客歸老妻操井臼此際在
林扉

與友人入寺即訪

既是邀堪去安能到不登鐘聲纔禮佛詩興即尋
僧雲氣深藏鉢蘭膏艷散燈菩提花樹下繫有帶
緜鷹

輕舸

輕舸如一葉朝旦去滄州水遠天相混潮平江不流
鳧鷖飛且坐藻荇沒還浮多酤隣村酒酣歌隘

九州

劍一把贈送友人策勲海上

平生一大寶從古號龍泉愛惜藏巖底攜來獻馬前
邊風沙障日海氣蜃浮煙盡把鯨鯢戮歸同衛霍年

自春雨雪兩旬愁悶如山撥悶撥愁託之吟

詠四首

春來無幾日雪已兩旬濃玉樹一何早銀臺儼似
冬可憐寒燕雀只恐滯虬龍却少玉猷興蘿門白
自封

其二

欲舞花方綻初凝風又翻玉妃來助戰青帝若遙
奔定有衛樵哭應多漢女冤不然春後雪何至兩
旬繁

其三

春雪朝朝布鋪成四海寬
敝廬粧琬琰瘦竹飾琅玕
最苦青罇竭應憐黃鳥寒
有司新發令未暇問袁安

其四

綏綏寒作雪春雪更綏綏
粧徧柳條日飄殘栢酌
時巧於剪水出恠與蟄雷期
若問占年信司農未敢知

陪姚太守秋日山行二首

物外遊情適林端爽氣還
溪光浮遠榭秋色艷前

山苔石溫堪據松峰翠可扳
人間多少事盡滌白

雲間

其二

好峰行恐盡水曲更奇峰
飛翠看無厭歸雲坐正逢
山櫻金出色溪蔭玉爲容
却愛江猿過風前和暮鐘

宿金山金鰲閣僧房得詩四首

聞勝卽相臨逢幽有不尋
嶽蓮浮浪竦天柱插根
深鐘響昏吳楚鳥飛變
古今老僧留客住夜半聽

漸入鬱蒸境應拋甲乙籤老梅黃箇箇新竹粉纖
纖却愛蓬窻靜先忘世路炎詩朋稀過訪知我懶
加添

其三

楊柳絲絲亂風光變夏深蝶嬌工拍板鶯老倦調
音嫩綠茶堪愛新朱李漸沈隣多河朔會懶矣謝
招尋

醉登江上覽秀樓

筋力雖云老登之尚爽心江河分兩派日月迅雙
禽瀑晚疑懸玉槐秋似吐金闌于天在水酪酏學
龍吟

宿清流關下寄宿雲菴忠公

道遠羸驂苦村荒倦客投斜簷危雀殼枯壁困蝸
牛吹笛天方暮安禪月正秋題書寄老友何日上
方遊

題西隣卓處士居

荷簡蒼谿曲生涯與世分疑爲荒寺獨那有信鷗
羣典籍消長日茆廬宿斷雲風雩同里社去歲始

相聞

落暉

煙火渡頭起西原只落暉幽禽巢灌木小犢認柴扉霞已紅將沒峰何翠尚微相逢巖下叟攜手且同歸

白雲集卷之四終

白雲集卷五目錄

五言律詩一百一十首

順流

初夏

雪晴晚歸

熱三首

邵伯湖

東郊

閏重九

乞齋

遣興二首

不離西閣二首

送劉長君

歸青谿作

青谿閑居

南郊遊眺

泛湖二首

宿漁家

門扃偶作

春寒

莫愁湖

久雨

曉起

曉行

舟中病起

將雨

愁中見山

野老

殘秋落日

春暮書事

宿戴家莊

登樓

秋晚

村居

望月 二首

暮過山村

宿僧菴

大風泊舟

租屋客至

有所懷

夕陽道上

和張明府

乘馬

歸思

此日

朝有煖烟

泊舟

坐石

肺氣平

極目

荅友問病

夜坐

宿河橋

早發

驢背吟

和宋廣文

贈張徵君

過張少軒

率兒野行

纜船苦風

述懷

寓目

北固城樓

入林

劉大行見過

灌園卽事

除架

豐城夜泊

感時

過陳隱君園

霜濕夜鍾寒

宿貝葉菴

題沈山人居

山中所見

薰風散步

春仲散步

行歌

所思

天問

扶病

關吾道

萬事忌安排

堤上紀事

問渡

薄霧飛微雨

返照

西風

就寐

醒來

垂老

燕歸

倚杖

愁坐

舟中

揚艫

送汪主簿

贈南公

秋登謝朓北樓

白雲集卷之五

蒲陽陳

昂爾瞻著

同邑宋

珏比玉校

五言律詩一百一十首

順流

順流且匡坐頃刻若凌虛潮退雷相似舟行箭不
如片雲開北固衰草出南徐去結垂綸者分磯正
釣魚

初夏

有此風光在相逢若有期江山兼麗日蠶麥善收
時翡翠鳴方去鴛鴦坐共窺蒼然汀草色亦似欲
談詩

雪晴晚歸

六出花將盡長空轉霽容枯林鳴百鳥黃日下孤
峰野燒行將斷林雲漸欲封還家先過寺正打暮
天鐘

熱三首

鷄首會茲度日南却適當峰巒炎似火池水沸於
湯柱炙皆成汗禾蒸欲吐芒濯枝如布雨老興豈
尋常

其二

余欲簪蓮葉客先腹熨棋難當東井宿却少北窓
颺炎帝真難杵蕤賓已不宜柳陰如可鍛激水一
環之

其三

不是王仲都身應汗盡濡山川空靉靄雷雨總虛
無已應昂參會未求壬癸符相傳月仰瓦一望喜

先殊

邵伯湖與朔公分手公過金山余還白下便

其中奉寄

湖上分風後輕帆出暝灣以余回白下知汝到金山江靜鐘聲濶天空鴈影閒妙高臺上月何日共躋攀

東郊

二月煖然路東郊追勝遊曉山釀似酒露葉綠於油湖面開金鏡雲英結玉樓余攜九節杖半為落花留

花留

閏重九

病起一開戶西風不可當年中已閏月天下又重陽是日帽堪落浮生酒要常白衣人尚遠空對菊花黃

深山僧寺念經作供余遊其間乞齋而出

山猶未深邃黃鳥尚啾啾登歲人方聚獻花路正排來叅三昧法遂乞八關齋一路梅花發幽香到水涯

水檻遣興二首

茆結依山麓，窓開向水濱。
沙鷗爭浴日，野火漫蒸雲。
溪受涓流合，風吹密靄分。
地仍詩社近，旦夕策詩勲。

其二

憑卽堪長眺，幽先得至清。
花鬚粘粉蝶，柳面轉黃鶯。
溫日來孤釣，春郊辨偶耕。
芳罇如對此，亦足傲平生。

不離西閣二首

雨餘無一事，雖午戶猶關。
低榦禽多睡，殘書蠹不閒。
推窓又見日，散髮且看山。
閣外談生計，應須老友還。

其二

閣昔留何切，余今寓且安。
蘆花猶可採，苜蓿尚堪餐。
浪爲江風聒，鐘隨水寺寒。
蘋風先作恠，搜盡葉聲乾。

送劉長君歸

三歎空懷寶，安能又遠遊。
好將浮海日，歸去濟川

白雲集 卷之五
舟客子羈荆地。妻孥寄蔣州。與君同受病。焉得不
同憂。

歸青谿作

青谿有九曲。曲曲梵聲灣。遠矣鴻如沒。悠然日已
刪。城陰依古渡。烟景蔽青山。芳草長天盡。歸來且
閉關。

贈諸秀才青谿閑居

可見青谿好。桃花水不渾。鏡中魚若繫。柳底鳥能
言。畫艇遊長日。書聲動遠村。接輿今夜醉。歌竟訪

蘿門

陪姚太守早春南郊遊眺

太守何其達。尋芳輿用肩。行春催柳發。坐嘯待鶯
遷。酒尚留椒色。歌惟續頌篇。慚非求仲列。酣醉百
花前。

夏日泛湖二首

一葉舟方掉。波心藻荇知。日光行蕩漾。天影坐淪
漪。欸乃收魚艣。招搖賣酒旗。出山雨太早。未醉強
催詩。

其二

柁轉山隨轉帆開雨遂開荷心由蝶坐鏡裏繫魚
回柳裊何披拂霞飛任剪裁酒家添酒債無限泛
湖杯

秋夜宿漁家

羸馬不堪策安能渡且騰漁家安一宿農事說三
登秉燭童抄字分光婦結疊今朝方想像風韻已
飄凌

門局偶作

人間無所事門設只常局新曝庖犧日因安老馬
齡野鶯依坐狎鄰竹過簷青煩矣陶徵士猶披山
海經

春寒

前山冰未解春色故淒淒花蕊朝全斂鶯羣午不
啼凍雲如絮白寒柳帶煙迷酒幔何多興飛揚竹
徑西

集莫愁湖分得橈字愁字二首

今古留高勝溪山果易招歌猶時身習翠尚巧雲

描止水如明鏡遊人坐畫橋盧家何必問處處木
蘭橈

其二

石城白鷺洲載酒一遨遊露氣如芳杜波光點野
鷗與君尋往事落日送殘秋曠世能相感將盃醉
莫愁

客中久雨難歸

却笑天陰久浮雲莽不開一溪侵半嶺雙瀑響千
雷騎馬能無滑尋舟急欲回菰蒲荒八月風至動

悲哀

曉起

一雨晨如洗河山霽更紅九衢齊躍馬萬戶正同
風目送飛騰鳥身兼灑掃童近來老且病也是小
村翁

曉行山中

紅日東升處雲間第一峰泉同簷溜滴水學洞霞
穠石立雄於虎枝翻宛若龍黃鶯啼更切欲傍老
夫筇

舟中病起

起來謝藥裹吾興在觀魚月影推篷後潮聲進艇
初歌謳將客和淡泊只心如一盞清茶後閒情寄
太虛

夜中將雨行舟

將雨天昏黑行舟入夜迷歲凶多虎出村敗少雞
啼風大定先歇江長豈易棲斯時難待旦安得醉
如泥

愁中見山

此山如可買躍踴卽相從箬笠分青靄橙林混素
封因之投谷嘯可免入街春疲矣羊腸路淒然感
慨重

野老

野老今垂白席閒何所爭酒杯藏宇宙詩草紀陰
晴身貴緣知少心和遂氣平一堤楊柳月夜夜照
柴荆

殘秋落日

敗葉如相約時時競遠飛露濃秋欲去寒急市先

稀天變揚滄海山昏失翠微鳴鴉千百點為我送將歸

春暮書事

浸種宜今日祈蠶倍徃朝雨昏鐘若咽寒側炭先潮雲白梨花野煙青楊柳橋老夫禁不住即赴酒旗邀

宿戴家庄

昨宵所借宿何異戴顓家天籟催山影猿聲應蕨芽窓間雲頗潤坊裏酒能賒落日柴門外米囊一

片花

夕陽登樓

千里日中盡憑闌指點間白飛溟海浪青列島夷山片月從天降清風似我閒漁翁三弄笛相隔一

溪灣

秋晚

昔者功歸扇而今任去留商風已漸旺夏火可知流雖解相如渴先增宋玉愁雙星華漢上回望好悠悠

白雲集 卷之五 九
題吳處士村居

既藏明月壁遂隱白雲扉蠹宿堆書架鶉懸樂道
衣眼前幾樹杏世外一漁磯恠動吟詩興春鱗釣
頗肥

江邊望月二首

胡然江上水客子思先迷缺月行多晦孤雲濕更
低寒心同旅鴈秋色開沙雞白首愁何似新潮拍
大堤

其二

雨霽村中夜風生柳外艘數星淡華漢匹鳥下秋
江道遠腸難訴霜寒酒不降擣衣何處婦愁與旅
愁雙

暮過山村

雲氣逐風翻山村又水村夕陽黏道路樹影掃江
門馬策蹄方散人歸舌尚存到家衣且典寒夜賴
芳罇

宿僧菴

一徑松杉暗關門送夕陽僧修城裏醮我禮佛前

香風至閒花落燈懸歸鳥忙坐深山月冷呼取敝
裘當

大風泊舟

二月石尤起比於舶棹狂走沙埋廣衍拔木恣飛
揚舟繫搖仍蕩江空黯自黃寒深禁不住買醉入
山鄉

租野外小屋居之客至分得同字

稅得幽沈處遊遨與客同過橋看澗瀑攜手聽松
風浮世如朱槿滄江變玉虹人間無益事於此付

春空

有所懷

楊子縣東路三年別後疎那堪秋鴈少遂令暮雲
餘錦瑟將安往朱方又不居客懷何處切一雨夜
涼初

夕陽道上

宇宙一搔首秋殘未暇論天涯款段馬雨後夕陽
村葉抱初霜病鴉招半菽魂渡頭燈火起此際賴
匏樽

和張明府遊山之作

一見遊觀作風流。配昔賢。車前何寂若。筆下即蒼然。日閣江心岫。虹弓雨後天。愧從白雪後。巴里不成篇。

乘馬

火伴呼乘馬。東方動曉顏。雞鳴將罷柝。鐘響欲開關。露重河先淡。星稀月一彎。天涯白首者。日日度蠻山。

歸思

秋晚三湘路。霜寒百結裘。風光軒上鶴。時事棘端猴。空積枚乘賦。猶登王粲樓。垂楊飄且蕩。歸思與誰謀。

此日

貧病夾相攻。扶筇當小僮。仰看啼鳥去。不覺夕陽空。寒體思杯煖。饑腸失賦工。人生至此日。無恠比苓通。

朝有煖煙鳥喧柳起賦以發興

何意今朝煖。春風亦易前。簷危新噪鳥。柳起即生

白雲集 卷之五
煙脫粟堪賒否枯薪或有焉支撐能一飽吟詠百
花天

泊舟

大風求一泊未易選何方昏市先無米孤城勝小
鄉虎行不與格蛟出又誰當雙塌生平翼中宵淚
滿床

坐石

一片空如鏡何須洗與存清宵嚴自守平日敢先
昏梅杏噙雛鳥櫻桃戲老猿白頭端坐石誰得動

雲根

肺氣平後書事

信然予肺氣九月始如常髮短梳猶結身羸杖更
厓貧酬高士賀災罷老僧禳從此歲寒至喬松飽
雪霜

極目

極目世固大三江又五湖絲綸誰把釣風浪自乘
桴落日飛相奪殘年槁遂枯生平悲檢點寸答老
天無

白雲集 卷之五
答友問病

幾度勞相問六時枕簟多苦將君子瘧沈却茂陵
痾逃或膏肓穩數如天地何盈虛本吾道風雨動
悲歌

夜坐

葉落聲如雨風來色欲霜有懷寒月下無語亂蝨
傍歲計一身病生涯兩鬢蒼平生負我友豈但煉
昌陽

宿河橋

山路漸漸晦河橋且一棲錢沽桑落酒金散菜花
畦缺月將先墜孤雲最易低明朝筇自健隨意訪
招提

早發

亦知挂席便遂聽棹歌行病葉星前色新蟬露裏
聲稍分山影出遙見海潮明舟子呼同伴潮頭漸
漸生

驢背吟

驢背在東葛春晴引興長黃鶯遷大樹青幔逗斜

陽雪後梅花艷風前松鬣香聽歌知帝力生意滿
江鄉

和宋廣文秋夜卽事

夢回天在水徙倚庾公樓鴈影五湖月砧聲一巷
秋蕭蕭何處葉軋軋欲歸舟宋玉遺予賦瑤光足
散愁

贈張徵君

遠慕昔何渴清談頃始聞俊如陳祭酒逸似鮑參
軍北闕關風望南星耀夜分大才終有遇寶劍氣
氣氤氳

過張少軒烏衣草堂

不改烏衣地聊爲白下居煙霞環戶牖鳥雀話庭
除少坐茶香起微談世味疎性情蒲席似堪卷亦
堪舒

朝旦率兒野行書事

燈花昨夜兆朝旦野中行或有邀尋蕨偏多約聽
鶯峰巒得雨秀潮水接天平百草羣來鬪兒羸我
亦羸

纜船苦風戲題五韻奉簡陰明府

寒來雪散花即有惡風加船纜粘枯草濤崩捲白沙
裘從何處乞路却去鄉賒寄語陶彭澤安予坐
酒家

述懷

州司辟不應夫豈不關情仰面先捐恥回頭即罷
程無衣心自織乏食舌先耕却苦兒曹小猶遲五
獄行

寓目

寓目雖無事驚心亦有端江河趨愈下風土避先
拚石淨猶堪坐霞明遂擬餐年非多履歷未易飽
饑寒

北固城樓

偶爾開晴後悠然遠眺中山蟠吳會壯城控蔣州
雄江漢吞天白樓臺返照紅幸然遠鐵甕一笛落
花風

入林即事

老矣更多慵行惟世外從入林先渡水聽鳥正登

峰苞竹儀如鳳。喬松影躍龍。浮名不到處。芳草臥高春。

劉大行見過

早起鳥來歌聲聲。有客過開門。見星使携手入煙蘿。風暖花陰艷。春晴天氣和。老妻辦麤飢。貧比阮家多。

灌園卽事寄友

偶自灌園還。三竿日滿山。采餘青芑秀。歸遇白雲閒。春暮禽猶鬧。峰藏樹已刪。王孫千里路。何日話柴關。

柴關

除架三首

一架蛾眉荳殘春。老圃貽夏偏榮。及茂霜至槁先萎。退自成功後。忍於見死時。幾回呼斬伐。且輟且安之。

其二

衰後思其盛。枝條翠若林。枕書眠溽暑。織履受繁陰。實况纍纍結。餐曾旦旦侵。肝腸終一點。相見不能禁。

其三

既已縱橫甚得無冗雜哉新霜且不及朗月豈能
來歛矣因淫雨除之自猛雷呼童收拾盡莫使混
塵埃

豐城夜泊

此夜豐城水無端鏡小艫綿雲溫野岫弓月射虛
窓牧笛吹成曲漁歌調轉腔燈前劔氣動飛上斗
牛雙

盛君至自廬嶽二首

廬嶽落君杖千年旦夕逢行吟錦繡谷登否漢陽
峰佛日化頑石僊風渡古松江湖分左右一帶一
盂重

其二

栗里古今遠蓮池湮沒哉歌停鎖劍石賦弔讀書
臺身外雲初過罇前雨未開馬遷千載興感慨又
君來

孤村一宿

十室既爲邑居鄉更少鄰孤村瓜葛厚小市菜薑

白雲集 卷之五
珍溪淺終難釣山深頗易薪虎狼非不有未易肯
傷人

憶朱山人

野老愛斯人靈臺一片真採芝入幽谷茹草卽終
身常指唐虞近遂先黃綺親班荆如再得談笑百
花春

野望

信步失幽徑凝眸起苦吟天孤邀曠野林密引淪
陰病葉因風落空山欲雨沈昏鴉何作恠勉強噪

寒林

感時

處處破山雨時時劈柳風江天如暮夜里巷宛秋
空剖剋悲羣牧安危仗數公誰銜哀痛詔旦夕慰
疲癯

過陳隱君園

幽禽有天趣雖夏尚春言茂矣溪陰樹悠然雲外
村松杉樊草舍煙靄閉柴門今日於陵子夫妻正
灌園

白雲集 卷之五
偶得霜濕夜鐘寒遂足成八句

萬事今相較無過行路難波濤藏坦地雷雨赴崩
湍垂老無由樂將心何處安永懷不易寐霜濕夜
鐘寒

宿深山貝葉菴贈菴僧靜公

却笑重臨際依然月在簾靈花開幾樹貝葉到何
函火足猿能滅鐘鳴谷若添今宵伴耆臘燈豔寶
陀龕

寄題沈山人所居

曾聞沈隱者居住白雲封小園花千種孤村山萬
重春秋栗里社朝暮虎溪鐘雖近潯陽市心情興
亦慵

山中所見

暑日可中候濃陰坐老漁蓴絲垂虎落榴火照蝸
廬峰秀尖當戶泉清曲到渠土風純簡淡早晚亦
來居

薰風散步

五月薰風滿江村步屨時花間粘蝶粉林外墜蟲

絲日晏雞鳴樹雲深犬吠籬河橋開贊夏酪酏欲歸遲

春仲散步

聞道春將仲尋春筇自先山如太士首蕨放小兒拳海角寒長日堤頭暮淡煙村村人飲酒歌詠百花天

行歌偶成

岸漲潮初起帆開風正勻偷生今老耄避地久吳秦留眼看明世行歌混逸民遠師陶靖節漉酒用

烏巾

所思

不見孟浩然思之見十年溪山留賦答妻子得耕全世却輕衣褐誰來送酒錢江東雲一派雙眼望將穿

天問

春光從到後物物露春情雨養枯泉活煙醫病草生梁間添乳燕柳外轉新鶯一飽將天問何時願可成

扶病赴集江山佛閣得陰字

有此新秋夜廣寒月不陰清江開佛閣美酒聚朋
簪天敞銀河水風揚繡戶砧老夫委肺病靜坐看
君斟

關吾道

物物關吾道余情卽若情泥銜飛燕去花抱仰蜂
行浪染秋沙白雲粧晚嘯明衰年賴釀黍方法似
生成

散步間聞萬事忌安排句足成一首

遊且外形骸吾何一挂懷有山逢雉兔隨處見茅
柴藥任君臣配松忘金石諧行年頭白盡萬事忌
安排

暮春堤上紀事

飛禽鳴頗急大抵索春饒花落杜公雨堤平河伯
潮鍾山雲易失寶馬慢能招三月江南景烟波楊
柳橋

問渡

無風方問渡羸馬慢登船日在崩濤上山飛大海

前霎時過漢壤隙處見秦川每憶梁鴻愧歌噫正
壯年

山行偶得薄霧飛微雨湊成卽事一首

薄霧飛微雨餘寒作側天峰排無異筆蕨出卽粘
拳隔水春香碓臨溪把釣船無非童冠路一別易
多年

返照

江光翻萬岫返照一何賒稻割餘青野潮歸剩白
沙野舟撐賈客罟網曬漁家最易吾廬辨墻頽草

屋斜

西風

西風何太急木葉不能支斜日光歸地寒山影臥
池子雲生好酒摩詰癖吟詩悵望千秋上斯人寔
我師

就寐

門外無此事床頭莫遽醒將心先就席拋事不關
形化蝶何常必登天安敢停還須叉手臥只恐見
先靈

醒來

平日不作夢醒來安用圓方臨黃菊徑遂見白雲
天煖酒燒殘葉烹茶汲乳泉海翁機事在相別任
經年

垂老

垂老頻加戒雖慵敢廢嚴一毫將道概萬事自心
占亥把殘生養丁因衰族添嬌兒三兩歲膝上弄
蒼髯

燕歸送別

却訝燕雙訴有如將遠歸故余臨霽日送汝去烏
衣在路防秋雨還家任晚暉明春巢尚在來傍主
人飛

倚杖

倚杖江橋外徐徐過石梁鏡中雙鯉躍天外一鴻
翔世既厭曾史因之託惠莊大都從所好吾道未
淒涼

愁坐

兀坐愁何事方方八節灘孤村浮水上一鴈叫江

干誰挂仰天瓦空板下坂丸鄰家來冀北翹首問
長安

舟中

離陽一片月尼父妙先傳霽有雲蒼若徐來風灑
然雪迴鶴羽扇電走鴨頭船且泊松陵浦逍遙學
水僊

揚艫

遼東亦久住秋興欲揚艫霜後蘆花白潮初海氣
青蕭蕭方問路脉脉一看星皂帽桐裙客行藏愧

管寧

送汪主簿公事畢還縣

相餞大江干驪歌肯損驪獨勞王事畢千里水程
寬祿在家應給袍分友不寒清時行所學切莫動
辭官

贈南公

不是相知久能知公好吟閒來惟煮茗睡起卽彈
琴芳草啣雙鹿金櫻啄小禽斜陽天有籟俯和海
潮音

白雲集 卷之五
秋登宣城謝朓北樓

似布新懸畫天然不用絳樓高秋色遶山近翠光
微宛水鏡相似敬亭雲未歸江城登覽際如見謝
玄暉

白雲集卷之五

白雲集卷六目錄

五言律詩一百二十六首

偶書

塔寺

送崔一丈

訪吳一丈

肺氣蘇

次第見吾心

夜泊

人日病中

寄忠公

遇友

秋盡

有答

江亭遣悶

與張山人

河橋書事

小亭

陪陶一丈

書事

尋焦隱居

宿陽山田家

長干小兒

安穩卧柴荆 晴 三首 晚晴 二首

雨晴 二首 入清流山 四首 宿雲菴散步

隣家納涼 書懷 砧聲

夜中行舟 楊員外 東同巷老友

酬廖伯才 宿新豐 初夏

紫溪草堂 樵兒歸 歸雲草堂

次潤州 舟中歲旦 步丁堰

過奔走 過昆陵 睡起

投宿山寺 蘋末 遊祝禧寺

送吳秀才 薄暮 送徐君

采藥 王十岳相訪 懷舊

夢故山 湖陰 廟灣曉望

寄羅浮僧 江上對月 春水

禪客在顧 店飲 煖老

家山感事 幽路 和胡孝廉

歸溪上 送吳一丈 避地

梅花 青樓婦 江東妓

月 五首 獨坐對月 二首 月 二首

翫月

對月

露結

懷故友

所思

宿京口

有感

寒

病

山籟

江亭

水亭

牛頭山

感題

遊野外

門外

銅陵行舟

歸

春來

靜

答或問

一笑

暑中

宿山寺

送范文

出郭

寄鄰友

贈田君

書事

雨後

晚坐峰頭

懷思

旅情

初夏

亭午

訪羅隱君

秋景

寄方師道

白雲集卷之六

五言律詩一百二十六首

偶書

同在浮生裏胡爲溪刻居有來順以應旣去靜何
如燒藥知無益銜杯計未疎豈惟在萬物天地亦
空虛

望塔寺遂入寺遊之口占

白雲集 卷之六
古塔層巖七高能迫遠空喬峰尖滿百齊欲抱幽
宮一沐菩提雨先開薜蘿風相逢得佛日未暇送
冥鴻

送崔一丈南楚之行

憑高送執友覓坐卽行卮潮起帆將挂天開風可
知所爲惟淡泊益信不磷淄萬古瀟湘景沿途好
賦詩

涉水訪吳一丈

橋危不可渡一涉轉懷開天色青青俯江流緩緩
來廬藏山寂若鳥坐樹幽哉却與圖書對斜陽未
肯回

肺氣蘇

可見高秋好先將肺氣蘇黃藤衰已仗白髮久宜
梳世外步虛鶴鏡中入定魚出門還客拜何幸見
樵漁

偶得次第見吾心句足而成律

略諳天地道次第見吾心四海兄和弟竝生獸與
禽榮期時曠達原憲日謳吟豈絕廣陵散太和在

素琴

夜泊

此地知何處扁舟繫小亭孤村低臥水野屋大於
瓶却少犁鋤樂尚餘鋒鏑腥白頭萬里客仰愧老
人星

人日病中

不省今何節床頭扶坐晨是生同得日如我可稱
人莫問金花勝無關玉樹新自憐枯槁甚有負艷
陽春

秋暮寄宿雲菴忠公

不堪秋又暮短髮變霜蓬雖有道心在安能禪悅
同卜從獻歲後宅徙宿雲東先近虎溪寺焚香事
遠公

春日遇友邀之行樂

所幸先同巷相逢正采春日蒸山氣煖烟到水楊
勻社鼓方臨戍村穀久列辛與君好買醉行樂總
天真

秋盡

白雲集 卷之六
秋光今已盡徒倚偶柴荆殘徑飛黃葉濃霜變綠
橙無求人自絕多病世緣輕采藥吾將老深山寄
此生
有答
別君八九載踪跡尚塵樊一飽猶未偶百年何待
論人生如數定吾道有天存卽與景純遇著龜亦
不煩

江亭遣悶

目送鴛鴦沼錦依翡翠枝江流平似掌山影遠如
眉烟景暗來秀雲容晚對宜亭頭能遣悶勉強亦
裁詩

與張山人別數年矣偶一少年友入永嘉口

占代柬

片字久不寄斯今憶別初却令後進者來謁故人
居心古情應厚人貧世易疎聲名全未起莫惜廣
吹噓

冬日寒甚河橋書事

臨風身頗顛未暇羨羊裘冰水人難渡河橋酒正

籟新霜綿薄瓦短日電滄洲莫道梅花瘦霜稠雪未稠

小亭秋晚

亭何涼氣滿時已露華新林晚鶯辭友天寒鴈作賓浮生拚任性閱世遂逃人近識知稀貴柴門閉更頻

泛江陪陶一丈飲

江到水平處汪汪不欲流鏡中初載客掌上好行舟歌舞勞紅拂歡娛恨白頭非君美無度易動夕

陽愁

書事

既是蓬茅破難辭風雪回洗錯收葉煮出戶見梅開貧及添詩草衰應費酒杯世情今故舊不見一書來

尋焦尊師隱居

不識焦先住今從樵子聞山經百道瀑家隱萬重雲日暖青牛臥天長白鶴分柴門敲震動花落更紛紛

宿陽山山下田姥家

我宿陽山下時因暴雨殘豆萁堆易濕松鬣聚生
寒煮茗何其馥彫胡自可餐令余感無盡美意若
芳蘭

長干與二三小兒散步

小兒聚相樂喧共野禽喧采藻臨溪澗看碑到寺
門尚寒三月景微霽六朝村帶有傭書物花陰買
綠罇

安穩臥柴荆

求益終無益畏行遂不行宜貧逢世薄善病覺生
輕夜靜商風至天空夏月明夢魂無一事安穩臥
柴荆

晴二首

欹枕因風鬧開門見雨晴雛鳥方欲出老鶴已先
鳴錦綵吟邊石青歸畫裏城殘花反不耐飛舞到
柴荆

其二

漸漸雨晴後熙熙春暮餘煖陽醫病草新水活窮

魚林葉晞還潤山雲卷復舒多情江上燕留客看
吹噓

晚晴二首

風開晴霽色遂見野雲妍返照蒸芳草長虹較遠
天鳧鷺爭坐浪桑柘競生烟里社兩三叟行行聽
杜鵑

其二

雨絕誰先應霞能表霽容黃浮將倒日翠滴欲晴
松渺沔陂塘水嶙峋茅蔣峰橋頭沽酒幔箇箇舞
迎筇

雨晴二首

雨罷峰如洗雲開天更新村遙明荷篠水漲坐垂
綸堤柳嬌堪玩園桃秀未勻黃鸝殊有興覲皖傍
綸巾

其二

西來風不小濃霧遂離披水惹桃花色林添翡翠
枝山山和遠籟物物弄晴曦興發每孤往歸雲相
待時

入清流山宿雲菴訪忠公信宿得詩四首
雖愧許玄度遠尋支道林溪光圍淨室山色證禪
心落日飛黃葉寒風定遠禽對床兩知己十載悵
分襟

其二

羨汝能尋隱安禪迴不羣烟霞樊閬寂林木布氤
氳亂瀑如飛雪層峰若聚雲山櫻聞已熟先與曉
猿分

其三

此山深且僻天暮碧重重且息三生話共聽分夜
鐘秋明世外室雲止案頭峰鉢底詢降者依然昔
日龍

其四

迢遞雙林下逍遙百草間旅心如倦鳥野意寄禪
關瀑響常疑雨雲稠不辨山堪爲談笑地信宿尚
忘還

宿雲菴與忠覺義散步山前

一片雲純白偏於精舍鄰壠梅香牧野山日煖漁

巾鳴鳥黃偏嫩芳蓀綠未勻行行吾與汝商略幾
分春

鄰家納涼

余室何殊甌敲門到北鄰獨攜孤月朗去納晚涼
新枯栢陰偏廣芭蕉翠頗勻清哉徹骨處所以絕
纖塵

與友言懷

一別頭如雪光陰笑擲梭懸鶉惟閉戶帶索且行
歌呼馬何妨應鞭牛或細麼生平薄湯武名教罪

應多

砧聲

砧聲何太急獨客步江墟星月銀河外湖山白露
初一貧仍壯老多難是詩書誰料殘生在浮萍亦
不如

夜中行舟

渺渺城頭角搖搖水上艤疎星分凍野寒月墜秋
江峰頂蒙猶密鐘聲斷復撞客途秋暮後安得遣
愁降

白雲集 卷之六
寄語楊員外

寄語楊員外交情離別中秋雲懸漢水晚露濕梧
桐處世六旬外應門三尺童固然牛未儉來儉學
君公

雨後柬同巷老友

淡飭朝仍夕茅齋無事中林疎過片雨雲霽出長
虹既有山間月能無江上風與君攜手去天際送
冥鴻

臥病走筆酬廖伯才憲副書問

臥病柴門閉春初又夏初多情如鴈繡幾度寄魚
書倉廩蒙周給妻孥遂起居却聞冥報近來世此
心餘

宿新豐

停驂芳草坐風景正清秋月走金先晃河明璧欲
流黃姑纔換度白首且憑樓已醉新豐酒猶疑在
越州

初夏

溪水兩三尺江村八九家秧田喧鳥雀梅雨茂桑

麻采有君臣藥澆成子母瓜光陰到九夏老子得
生涯

過紫溪草堂題壁

村中何委曲杖下亦春容梅種兩三坂石粧數十
峰閑雲談久至鳴鳥坐深逢除却春秋社知君事
事慵

遣樵兒歸聊示此作

吾道浮沈後此心寂感初以余猶儻若遣汝且歸
歟池上遊雛鴨篇中去蠹魚全生菘與韭灌溉不

宜疎

訪歸雲草堂

雖是歸雲處雲歸物物成雨微舒菜甲枝軟蕩倉
庚坐覺清虛滿來疑疾病輕溪山天自籟不藉管
絃聲

次潤州

關外五噫日餘寒尚逗遛三春飛變夏二麥恰登
秋漁釣尋滄海春傭在潤州相安廡下住五月且
披裘

白雲集 卷之六
朱方舟中歲旦

小艇迎新歲椒花自舉觴春風吹白髮煖律到朱
方梅發南枝外家移東海傍一寒魚不若未易並
浮陽

步丁堰

不負生平癖山嘉景遂嘉澗行逢白石谿渡拾青
霞犬吠三竿日鶯啼萬樹花此間如卜隱先近賣
漿家

秋暮過奔牛

葉落風颼颼波濤卷葉流挂帆如去馬帶月過奔
牛眠鳥搖殘夢寒鐘動遠愁若非逢蒯劔能有雪
蒙頭

暮過毘陵

毘陵城外路芳草夕陽西海氣除山影鐘聲散馬
蹄雨乾林葉起潮漲浦橋低客本餐霞侶關河歎
久稽

睡起

睡起憑闌際江天飛一鴻颺何輕兩袖雨只細長

自雲集 卷之六
空斯世花相似生涯酒莫窮鏡中見雙鬢吾道已
衰翁

大雨大風投宿山寺

大風復大雨林開谷先呼溪澗齊趨海乾坤獨困
吾旣然逢福地安肯哭窮途且恐佛所笑淺之爲
丈夫

蘋末

蘋末看初起其風是北風吹來衣似羽那覺鬢如
蓬堤柳安能翠山梨漸失紅矯翰南去者鼓掌羨

賓鴻

與姚使君遊山過祝禧寺

谿至新亭曲峰臨精舍層瓊宮相頂禮金雀若飛
騰身似點頭石雲如渡水僧君爲鸞鳳嘯却亦和
孫登

送吳秀才

懷中良璧在衣褐問歸船入洛費芒屨依吳耕葑
田別離酣丙夜勤苦誤丁年不偶古來有如君更
可憐

冬日薄暮

晚來偶出戶不棄剡溪藤
天地一分日谿山數尺
冰梅寒如獨客峰遠似孤僧
倦鳥幽枝上霜凝夢
共凝

送徐君還宣州

姑孰長亭渺憐君匹馬還
寒風調白雪朔氣犯朱
顏茅店方沽酒蘭闥正夢環
梅花破殘臘開徧敬
亭山

采藥

欲采扶衰藥偏於山最深
春添新榦出地準古方
尋畏濕投峰燥宜陽避澗陰
寄言調攝客來就白
雲岑

王十岳出郭相訪

荒居如隔世半載罕相親
誰肯尋僮父君來卽古
人能非聽鳥處敢曰論文
晨供給雖然薄他時莫
厭頻

懷舊

若以同心論八方獨有君
可憐兵火後遽有死生

白雲集 卷之六
分地下自長夜人間空暮雲思來如受刺雙淚已
紛紛

夢故山

返照憑危堞西風入曲闌百川純散粉萬岫半含
丹林葉因秋瘦江雲惹鴈寒故山雖遠也夜夜夢
中看

湖陰

湖陰帆已落風色好淒清片月枝頭挂孤雲浪裏
行塞荒沉角韻砧響續鴻聲呼酒將情遣愁來白

髮生

廟灣曉望

縱有沙欽起其如湖水吞初陽熨東海微霧罩前
村近鹵終潮濕常晴始晏溫憑高聊騁望歸思可
勝言

送友往嶺南便寄羅浮僧鑑公

江固二千里風帆亦易南嶺行梅弄玉珠現海除
嵐玩世車牛賈遊情鹿豕巖羅浮君若往爲我訪
瞿曇

與友江上對月分得飛字

波靜魚龍偃天空島嶼微席中樽正剖海外月能
歸似玉光爭吐流金躍卽飛三千人世界從此散
清輝

春水卽事

恠動桃花水時方三月天飛虹量壑谷游牝躍芊
綿且免連筒灌無勞百丈牽浴沙四五鳥曬翅夕
陽前

病起兩禪客枉顧

可笑鏡中影居然山澤癯何當勞杖屨相與到菰
蒲病自殘春減筇能近日扶燃香聽名理烟裊博
山爐

店中飲酒作

鄰村有佳釀此日出筍清所愛盃中趣何須身後
名鶯花聊過日時事易沾纓荷鋪人安在言之繫
我情

煖老

煖老多虧酒出門酌幾卮驚寒添卉服乘霽看花

白雲集 卷之六
枝鼓韻祈蠶候車聲浸種時衝泥真不怯春興杖
藜知

登歲家山感事

鷺嶺雙林外人家萬井中鶯花迎旭日天地共薰
風煮石期難待燒金術未工壯心銷不盡無計逐
冥鴻

幽路書所見

幽路生佳興微風送嫩涼平波一片綠時鳥半身
黃樹樹藏晴藹山山艷夕陽悠然自得象欲語又

相忘

和胡孝廉落日行舟韻

南風方拂几江上已斜曛小岸圓如月遙峰巧似
雲潮頭踏浪轉帆力劈烟分點點神鴉舞迎君復
送君

卜肆於晦日歸溪上有作簡姚太守

一爲季主簿久別次公堂端月歸淮水看雲坐夕
陽江梅顏固白谷鳥色空黃未展躋攀興何時共
詠觴

送吳一丈遠行

世上知君少送經長短亭一罇浮樹綠百丈拽江
青遠矣舟車路悲哉犬馬齡何年又何地握手話
飄零

避地遣愁

卽住還鄉切敢言避地安濕薪羸老負滯穗病妻
餐龍尾交方覺牛衣臥遂寒囊空羞澀後吾道正
艱難

梅花

四月天無定陰晴亦恠哉驕陽蒸秀麥泥雨熟黃
梅野水流何濶柴扉濕懶開多情雙燕子飛去又
飛來

青樓婦自福堂歸集同輩正奏素琴余往訪
之聞其一曲

翻出長門怨其音淒以涼七絃迎素手一撫失初
陽色令文姬變愁能薛滿忘不禁余薄命雙淚更
淋浪

聽江東妓彈琴

香蕤百花館囊開三尺桐斂容先自肅按指一何
工慷慨朱絃始悠揚白雪中悲來叙流落未忍露
江東

月五首

有引

余誦杜工部月五首每每思和行幾八州
尚未能也偶於君山八月十五夜看月卽
吟五首亦題曰月五首

何來秋一片光射洞庭寬卽此峰頭坐何殊天上
看三更雲漢靜四野斗牛寒湛湛金波爽居然獻

玉盤

其二

圓鏡從何起明珠有不攀酒清浮伯雅夜靜坐君
山兔白重湖影天青萬里顏波光溶上下一點結
煙鬟

其三

天入西南敞時當三五周一輪冰正晃半夜雪同
浮湖畫山峰影鴻書宇宙秋清光憐獨客片片艷
羊裘

其四

有露珠先照無雲金自殊水天方吐月星斗卽分
湖烏鵲飛仍宿明河有或無四更歌更朗風韻動
清都

其五

興似呂筠興寒光惹白袍千山純雪色一席辨秋
毫却喜舟頭竝何妨笛韻高泠泠風起驟天地開
波濤

中秋夜樓上獨坐對月二首

入坐峰銜月峰開月到空江山何潔白宇宙共玲
瓏水別虬鱗艷林看鳥羽工此時瞻玉兔影躍廣
寒中

其二

獨向岑樓坐蕊淵亦不殊江心方展鏡天上卽懸
珠水遠光搖動林深影有無故園南斗下愁絕柄
先孤

八月十五夜月二首

神珠初躍海明鏡卽摩天萬里無雙霽二秋第一

白雲集 卷之六
圓齋頭明琬琰雲表立嬋娟指點關山外秋毫亦
朗然

其二

八千修月戶此夜報圓周三五河頭影清輝世外
秋深宮毫數兔重海甲明虬盃裏寒光動光能肺
腑遊

十六夜翫月

卽玉猶堪比如金尚未流宵雖移旣望輪亦配中
秋雖則光微減應須爽且留老身三鼓後細翫傍

牽牛

十七夜對月

圓亦乍看 在歆如細較何自高還玉宇雖俯尚金
波稍蹙雲端氣遲行漢上河照臨兒女覺淒切舊
巖阿

露結

露結寒涼後筇行慘淡中遠山蒙細雨衰柳敗西
風首爲吟詩白顏拚飲酒紅阮君何不達以淚哭
途窮

懷故友

悲哉黃叔度地下已三年居處既相隔笑言誰至
前文章拋琬琰氣味絕蘭荃老去朋何在愁來淚
慘然

所思

既老隨兒去謀生向海東可憐習俗別能復笑言
同世若輕枯鮒誰來聽爨桐夕陽雲樹影無計望
鱗鴻

宿京口驛前

月淡南徐步秋殘步亦殘潮來平浦壑木落見峰
巒鴈唳何其苦漁歌亦易闌被池生雪意水國二
更寒

有感

人世卽滿百亦如風燭間却難琴酒遇且對水雲
閒量腹蒸來木放情傲後山紛紛城市事久矣不
相關

寒

頗畏寒威至能催殺氣隆江峰高就日山葉俯藏

白雲集 卷之六
風欲藉燎原火先扶支病筇床頭如得酒留眼送
飛鴻

病

葉落多於雨狂風欲作天三秋來日少一病幾時
痊量水兒教熟聽鐺婦得傳臥多神恐損扶起小
窓前

山籟

欲耗餘生興爲懽未死年平波風驟驥新水電飛
船海氣三吳地潮聲八月天谷虛林奏曲山籟正

泠然

江亭

亭自孤斟後江因獨眺時煙波方撫掌月彩正支
頤錦鯉何多躍蒼鷗若少饑醉來排宿悶端坐賦
新詩

吳孝廉水亭

地與滄洲近池容秋水多魚拖鏡裏藻珠滾露中
荷君上青雲去吾如良夜何縱無山簡達旣醉亦
高歌

白雲集 卷之六
登牛頭山亭子卽事

裘已三十載依亭且補裘
山峰迎日落江漢拍天
流白髮將安適金芝未易求
文殊宿因在勉強上
牛頭

有所感題二首

火宅幾時離雪山何日通
終須迎妙相先已闢頑
空湛湛青天外依依金粟中
神交在千古夢寐得
真風

其二

牛首山何近融公洞正開
春花常有獻天女自能
來我坐多羅樹誰居明鏡臺
何當老茲境不必問
浮盃

與友遊野外

以我髮盡素逢君途又窮
小兒司造化時事類春
空黃鳥音偏好青山道與同
相攜人世外日午聽
松風

門外

門外日三丈奚童辨易炊
年豐憂亦少巷僻睡相

白雲集 卷之六
宜新水平橋際嬌鶯遷木時暮春將過也莫欠落花詩

銅陵行舟

銅陵風頗正解纜遇新晴柁轉山離立帆揚岸背行浪寬搖蟹椴湯沸熟魚羹戀戀還家夢時時合眼成

歸

湖海多歸思旋歸始自今深更同對燭此景異聞砧于世如擒虎行歌且聽禽租田多種秫薄酒願

常斟

春來

春來無所事如有爲芳菲谷口看花去杖頭沽酒歸漁翁網新水農父耒斜暉問我山中屋家寒翠漸微

靜

晚年惟好靜山亦懶春登草露斯須際松風耐久朋不知世味淡安得道心增虛久宜生悟蕭閒已似僧

答或問

問余衰老與穉子不差多鬪處羸花卉閒時釣駱
駝去賒隔岸酒歸拍大堤歌一片松風動聲聲奏
太和

偶然一笑因成八句

今日開口笑應須報兩眉筆耕朝獲粲桑稼歲生
枝出酷黃柑酒歸成芍藥詩敲推庭院裏只許杖
藜知

暑中

暑月散相宜何爲問接離澆花尋淨溜涉澗得涼
颺黃鳥清談後青山靜坐時不知門外事寂寂是
吾籬

宿山寺

不知何代刹洗剔土中碑苔綠西天寺松青東晉
枝禽聲幽徑裏山色夕陽時倦矣投方丈枯薪拾
自炊

送范文東歸

余已世空涉君猶名未成黃金尊世道白首返柴

白雲集 卷之六
荆匹馬小遷日一罇無限情片帆殘歲後相約往
蓬瀛

出郭

出郭禽嚶啾尋禽入徑幽喬松盤已老春草暢先
柔白石燃丹竈青山枕碧流野人飛遯興無伴獨
相求

初歸寄鄰友王懷治先生

誤識人間世何方可閉關堆雲藏白屋就日看青
山竹暖吟風細松陰布地斑鄰如張仲蔚談笑兩

忘還

贈田君

斯人居近市墻敗屋應殘閉戶聲何寂披帷坐自
端一簞妻子適萬卷雪霜寒門外偏多事恬然不
欲干

書事

與世不來復余來復厥初春風藜杖健煖日麥花
舒事任浮雲逝心惟流水如老僧先得我四大說
空虛

雨後

一雨洗炎漢時光
鹿苑分山關西去
日谿鎖北歸
雲樹影將誰待
鶯聲只自聞
五陵回首望
佳氣尚
氤氳

晚坐峰頭

好風吹雨散
興趣遂飛揚
獨立高雲白
回看落日
黃野花顏若玉
時鳥舌如簧
徃就峰頭坐
多分山
月涼

懷思

消渴雖堪厭
懷思不覺頻
山風能扣戶
海月忽窺
人采葛連三月
看雲又幾旬
千年金石輩
那是白
頭新

江南旅情

日落青溪柵
潮平白鷺洲
林深常似雨
江靜易生
秋涼月來天外
明河俯渡頭
飛飛鴻鴈影
不見尺
書留

初夏

林巒綠已勻
舍故易從新
獨有來啼鳥
悠然一見

白雲集 卷之六
春墻頭過黍酒檻外酹花神滿地殘紅好今宵是
醉茵

亭午

亭午蘆簾捲風薰初夏天蒼蒼團古木嚙嚙度新
蟬石角雲方起山腰雨又旋有生何不達扶杖看
荷錢

訪羅隱君

驟有詠歌起寂無僮穉行跲然曳履出展矣下堦
迎松竹爲襟帶煙霞見性情雖離人世遠早已飲

香名

秋景

世情秋絕少秋景步相看霜白延藜杖花黃惹釣
竿無帘不朋輩有穗付孀單草野惟如此吾生亦
易安

寄方師道

昔者記接浙飄然一葉航身逃虎穴遠生附兔絲
長天地分南北風音竟渺茫雲邊生片月寸斷九
迴腸

白雲集卷之六

白雲集卷七目錄

七言律詩一十二首

無題四首 再擬無題四首

再擬無題四首

附錄

紀夢 并跋

鍾惺撰

遺事

補遺

讀白雲集詩

輓白雲先生詩

白雲集

目錄

白雲集卷之七

蒲陽陳

昂爾瞻著

同邑宋

珏比玉校

七言律詩一十二首

無題

不見當年萼綠華，坐深日影過隣家。
西風欲剪江蘿葉，零露初雕石竹花。
眉染遠山終慘淡，粧慵高髻任天斜。
可憐秋水冰將結，猶有何人事浣紗。

其二

白雲集 卷之七
曾記菱花照晚粧。九龍釵吐月光芒。金蓮爭艷雙
鈎錦。寶鴨新添百和香。春日氤氳連理樹。暖風噓
拂合歡牀。而今帶緩簪偏短。蒲柳逢秋怨敢長。

其三

涼滿晴窓雨氣先。香殘古鼎尚微煙。闌干草碧嵐
初惹。河漢風高月未妍。漏轉三更天在水。夢回孤
燭夜。經年關心欲寄青鸞信。淚濕新題一幅箋。

其四

悵望伊人空采薇。層岡一陟淚雙揮。鴛鴦水曲空
相眄。鴻鴈天邊不共歸。轉眼雲霞看屢變。迎風花
卉痛新稀。他年應化山頭石。鞭石何時塞上飛。

再擬無題四首

夜合花開露欲雕。却憐團扇得秋饒。重門宿雨稀
黃鳥。滿地西風破綠蕉。自剔殘燈還刺繡。誰臨秋
月又吹簫。十年已懶尋芳步。况對雙星河漢橋。

其二

黃葉齊飛雨不如。三山夢斷五雲餘。時當白露明
星夕。人共砧聲角韻居。殘月可憐辜錦瑟。涼秋畢

白雲集 卷之七 二
竟怨芙蓉九天猶近江南遠安得鴻傳尺一書

其三

江上風高淅淅吹飛蓬不耐夕陽時寒侵繡榻還
絺綌卜盡金錢費筮龜堤柳方零傷遇薄塞鴻何
在怨歸遲多情自古還多恨疊疊春山別後眉

其四

梁空泥落問何由燕子辭巢又肯留巷曲漸迷華
漢月閨深盡納廣寒秋悔將舊恨題紅葉誤聽新
聲易白頭一自斷雲楊柳外十年顛顛怕登樓

再擬無題四首

錦字雖成欠羽翰谷風空送雨聲寒無由似月能
相照倘化爲雲亦易殘寶鏡多情離卽暗銅壺非
淚滴應乾夢魂不怕峰峰隔只覺人間行路難

其二

新涼如沐過花陰風捲鈎簾月正臨一點流螢隨
小扇半庭芳草落踈砧窓明孤燭蜚先泣天倒長
河夜共沉愁繞流蘇更又轉夢魂飛到五雲深

其三

白雲集 卷之七
昔者簫鳴鳳卽來而今鳳去獨孤臺步隨明月秋
無賴坐聽西風角轉哀畢竟朱顏偏惹妬莫辜紅
拂解憐才懸知蠟炬殘應燼肯信芳心作死灰

其四

霜變蒹葭急鴈羣雙星脉脉漸相分芙蓉斜漏三
更月巫峽空來一片雲裁罷霓裳塵已積題殘雀
扇墨猶芬冰絃誰弄清商曲吹入金風不可聞

此老窮愁之此何取作情語又杜倚麗

白雲集附錄

紀夢

乙卯六月予出典黔試廿一日之夜宿葉縣夢白
雲先生陳昂來謁貌不甚老瘦年可六十四五冠
衣質而不敝獨不襪耳予步送之館一寺中謀衣
食居處之爲終焉之計問其年曰癸卯已謂予曰
子從此後則當贈我詩予曰旣爲子作傳足矣曰
當進於是予覺有愧色復問其生平自集中往還
姓名外更有何交則俯而笑曰朱百朋予未及問

其人遂寤纔合眼復夢之乃問朱百朋何人子何以與之游而不與之詩則又笑曰何交乎就食耳予惕然其意之不苟與其不得已盡此兩語予復問其逸詩何在及卷首門人長于明偉何人皆不及答而寤惘然恨其語之不終則候人傳呼達於寢矣憶戊申歲十月十八日爲亡友魏太易作墓志銘成越二十八日之夕夢予處泉寺中若京山觀音巖者太易緩步從甬道入徑就予揖謝作志銘夢中予知其已歿也因謂予曰吾歿時甚無所苦予曰子見譚友夏爲子所作傳乎答曰譚作尚未寄到蓋譚作傳爲二十四五日事俱用太易遺命爲之噫文之達於幽其期之先後與作者遲速相應計此世界去冥途亦非五六日所能至也才鬼之靈而篤如此

丙辰秋七月三日鍾惺書於燕邸

馬仲良云伯敬平生崛彊獨心畏白雲先生假使先生而在當爲給餼粥俾不向卜肆屢牖中分吟嘯之日此念至誠白雲享之矣葉縣夢魂

非輕造也然無乃鬼猶求食歟太易余不知其
人然友夏為傳而伯敬銘之則視其友矣乃亦
惓惓于傳誌一事余因思感恩知己為口好名
此地上之累地下吾知免夫而猶不免如此亦
可嘆已

戊午春三月十日宋珏識

宋珏

宋珏

宋珏

宋珏



程